

經30  
8655

903  
287

皇清經解卷三百五十五



學海堂

春秋左傳補註

吳惠徵君棟著

成元年傳瑕嘉周禮典瑞注引作段嘉蓋古文止作段讀為

遐也今本亦作瑕唯陸氏周禮釋文猶存古字

二年傳隕子辱矣說文引云耘子辱矣耘有所失也戰國策

齊宣王曰寡人愚陋守齊國唯恐夫耘之墨子天志曰國家

滅亡耘失社稷廣雅亦云耘失也案呂覽季夏紀云昭王耘

于漢中高誘曰耘隊音曰顛隕之隕史記東越列傳曰不戰

而耘此耘字之誤漢書作殞知耘與隕通耘古字也隕今字

也徐廣曰耘義當取耘除失之

朝夕釋憾唐石經憾作感案古本左傳憾字皆作感从省文

師之耳目在吾旗鼓進退從之 孫子引軍政曰言不相聞故

為之金鼓視不相見故為之旌旗夫金鼓旌旗所以一人之

耳目也人既專一則勇者不得獨進怯者不得獨退此用衆

之法也荀卿子云將死鼓御死轡

將及華泉 京相璠曰華泉華不注山下泉水也

韓厥執紼馬前 紼說文引作馵從馬口其足讀若輒或從糸

執聲 穀梁傳云蹶者何也曰兩足不能過齊謂之綦楚謂之蹶衛謂之紼

辟女子注使避君 棟謂下云乃奔則辟當讀為趨與五年伯

宗辟重同周禮大司寇云使其屬趨康成曰故書趨作避杜

子春云避當為辟立謂趨止行也古趨字有作辟注訓為避

非也

蕭同叔子 干寶曰蕭同叔子惠公之妾頃公之母史記作桐

物土之宜而布其利注播殖之物各從土宜 棟謂物讀如既

夕禮家人物土之物鄭氏云物猶相也大司徒職云以土宜

之灋辨十有二土之名物周書大聚曰因其土宜以為民資

司馬司空與帥侯正亞旅 司馬司空軍司馬軍司空也與衆

也與帥領其衆在軍之後者侯正軍候主候望者高誘說如

三此皆外書皆取精水也之論書 案詩廿二平聲州人出

殺御叔 韋昭曰御叔陳公子夏之子靈公之從祖父媯姓也

王曰止 高誘曰止禁止也 出訓十平聲曰天子懸訓天子

誰居註居辭也釋文云居音基 案檀弓云何居我未之前聞

也注云居讀為姬姓之姬齊魯之間語助也列子黃帝篇云

關尹謂列子曰姬魚語女張湛云姬音居魚當作吾是居姬  
互訓蓋古音同也

侵敗王略注法度案略封也昭七年傳曰天子經略天子謂

之略諸侯謂之封

三年傳伐虜咎如討赤狄之餘焉案僖廿三年傳狄人伐虜

咎如賈逵曰赤狄之別種隗姓杜注亦同赤狄種類已盡惟

虜咎猶在故復討其餘劉炫以為虜咎之國即是赤狄之餘

杜以為餘民散入其國豈其然乎○成十三年注云季隗虜

咎如赤狄之女也是杜自相矛盾

荀騷案世本騷諡文子

齊侯朝于晉將授玉史記晉世家云齊頃公如晉欲上尊晉

景公為王景公讓不敢王劭案張衡曰禮諸侯朝天子執玉

既授而反之若諸侯自相朝則不授玉齊頃公戰敗朝晉而

授玉是欲尊晉侯為王太史探其旨而言子惠子曰授玉古

文左傳作授玉司馬子長謂齊欲尊晉為王蓋晉作六軍擬

於王矣故齊欲尊之猶戰國東帝西帝之例也古文不可見

存之以備異說棟案古玉字皆作王左氏傳多古字古言故

玉从王定五年傳云改步改玉晉語作改玉改行荀卿王霸

篇又云改王改行是古玉作王之證西漢劉子駿治左氏始

改玉為玉周禮九嬪職云凡祭祀贊玉盞註云故書玉為王

子春讀為玉是古文皆以王為王之證 上文云晉作六

軍擬于王矣故史記以授玉為尊晉為王諸侯相朝授玉此

皇清經解 卷三十三 惠徵君春秋左傳補註 三

鄭伯如晉授玉于東楹之東是有授玉之事平子之說未允

六年傳沃饒而近監 服虔曰土平有漑曰沃 有汾澮以流其惡 周書曰地有五行不通曰惡

七年傳讒慝貪恡 子惠子曰方言曰貪殺也楚謂之貪恡殘也又云殺人以其財曰恡二子殺巫臣之族而分其室故

曰貪恡

八年經晉侯使韓穿來言汶陽之田 聘禮云若有言則以束帛如享禮注引此傳為證又云無庭實也

宋公使公孫壽來納幣 服虔曰不稱主人母命不通故稱使婦人無外事

傳祁奚 高誘呂覽注云祈奚高粱伯之子祈黃芩也又云黃

芩祈奚字

九年傳執諸銅鞮 劉昭 上黨記曰銅鞮晉別宮墟關猶存 有北城去晉 二十里芩舌所邑

操南音 劉造曰商角徵羽各有引鍾儀楚人思在楚故操南音南音始于塗山之女見呂氏春秋

雖有絲麻無棄菅蒯 蒯玉篇引作敲云與蒯同李登聲類曰蒯草中為索苦怪切

雖有姬姜無棄蕉萃 淮南說林曰有榮華者必有憔悴有羅紈者必有麻蒯蕉萃猶憔悴也

十年傳大子州蒲 應劭 引作州滿陸氏云本或作滿劉子玄曰州滿 本皆作州蒲 也當為州滿

事見

氏當據仲

晉侯夢大厲 李頤莊子解云死而無後曰厲

忠為令德非其人猶不可況不令乎 陸粲曰非其人謂叔申

本非賢者雖欲效忠不見信於君適以自害耳棟案陸氏此

言是教人慎勿為善非君子之言也呂覽曰賢主之所悅不

肖之所誅高誘引此傳以為證杜氏之說未可非也 近代李厚菴亦

以于忠肅事況之

十二年傳道路無壅 唐石經作雍棟案古壅字皆作雍 說文作雍

無从土者

十二年傳民受天地之中以生所謂命也 以五行言則五六

為天地之中以爻位言則二五為天地之中以四時言則春

秋為天地之中天地之中命也民受之以生即所謂性也性

為中情為和中庸之中和即天地之中也故曰天命之謂性

易曰各正性命保合太和在易又謂之利貞故曰利貞者情

性也

戮力同心 唐石經及宋本皆作勦說文曰勦并力也从力彡

聲戰國策曰勦力同憂高誘曰勦力勉力也其字从力詛楚

文又作繆力蓋古字假借

蔑死我君 唐石經初刻云蔑我先君後改从今本陸氏曰本

或以我字在死上案僖卅二年傳欒枝曰其為死君乎尋文

義當云蔑我死君鄭康成易注云蔑輕慢也

十四年傳宗卿之嗣注同姓之卿 國之宗臣故曰宗卿書曰

記宗功是也宗臣兼同異姓故漢之蕭曹亦為宗臣

衛侯饗苦城叔 王符曰卻孽食采於苦號苦城叔又曰苦城

城名也在河東鹽池東北

十五年經宋華元自晉歸于宋 傳止華元于河上則華元未

至晉時在晉境耳而云自晉者魚石以華元有平晉楚之功

懼以晉討為復之故書法亦曰自晉著其所自復耳蔣杲云

傳盜憎主人民惡其上 子惠子曰盜憎主人民怨其上周廟

金人銘也其詞曰古之慎言人也無多言多言多敗故云子

好直言必及於難

十六年傳瀆齊盟 崔憬易注云瀆古黷字傳皆以瀆為黷

范文子曰我若羣臣輯睦以事君多矣 唐石經云我若退羣

臣輯睦以事君多矣又何求案碑退字又何求二字皆旁增

當是晁公武據蜀石經益之

陳於軍中而疏行首 司馬法曰凡陳行惟疏淮南子曰疏隊

而擊之高誘曰疏分也

其卦遇復曰南國蹇射其元王中厥目 子惠子曰此與僖十

五年傳千葉三去三去之餘獲其雄狐皆夏商之易也或據

周易以解之皆不得其義蓋夏商占七八周易占九六其辭

義各有異同不可強解也

蹲甲而射之徹七札焉 蹲古文作踳蹲猶立也羣經音辨云

蹲才九切鄭康成讀七札一甲之度也揚雄太玄曰比札為

甲賈公彥周禮疏云一葉為一札呂覽愛士篇云韓原之戰

晉惠公之右路石奮投而擊繆公之甲中之者已六札矣言六札者惟一札未陷耳知甲以七札為數也徹七札者猶貫甲也

楚子使工尹襄問之以弓 穀梁傳云聘弓鏃矢麋信曰古者以弓矢相聘問故左傳云楚子問卻至以弓

有韎韁之附注 詩瞻彼洛矣云韎韁有奭毛傳云韎韁茅蒐染草也鄭箋云茅蒐韎韁聲也又駁五經異義云韎草 齊

魯之間言韎韁聲如茅蒐字當為韎陳畱人謂之莠韁昭國語注云昭謂茅蒐今絳草也急疾呼茅蒐成韎也鄭康成雜

問志曰韎韁之不注不讀如跗跗幅也注屬也幅有屬也以淺赤韁為弁又裁韁如布帛之幅而連屬以為衣而素裳白

烏也棟案不與跗古字通見詩箋以跗注為不注者鄭所受春秋異讀也

識見不穀而趨 棟案識當為適外傳作屬訓為適高誘曰不穀不祿也人君謙以自稱也

三肅使者而退 子惠子曰為十七年樂書諧卻至張本好以暇 唐石經初刻無以字

展車馬注展陳也 康成曰展整也 子叔聲伯使叔孫豹請逆于晉師 服虔以為叔孫豹先在齊

矣此時從國佐在師聲伯令人就齊師使豹豹不忘宗國聞白國佐為魯請逆家君曰玩下召豹於齊及昭四年傳則服

說為長



公還待于鄆 京相璠曰公芊作運字今東郡廩邱縣東八十里有故運城卽此城也

僑如曰不可以再罪奔衛 唐石經曰遂奔衛今本皆脫遂字十七年傳匡句須吉 應劭風俗通曰匡魯邑句須爲之宰其後氏焉

聲伯夢涉洹 酈元曰許慎說文呂忱字林竝云洹水出晉魯之間御覽隋圖經曰洹水出隆慮縣西北俗謂安陽河卽聲伯夢涉之所源出林慮 山東平地

盈其懷 王逸楚辭章句曰在袖曰懷 余恐死故不敢占也 服虔曰聲伯惡瓊瑰贈死之物故畏而不言也

皆尸諸朝 康成論語注曰大夫於朝士於市昭十四年尸雍

子與叔魚於市正義曰至日殺三卻皆尸於朝此尸於市者以其賤故也棟案論語尸諸市朝孟子若撻之於市朝索隱謂市之行列有如朝位故曰市朝王制謂刑人於市則此尸諸

朝疑卽市朝或云朝或云市隨文言之非有二所

一朝而尸三卿 韓非子載厲公語曰吾一朝而夷三卿予不忍盡也周禮凌人曰大喪共夷槃冰鄭氏云夷之言尸也尸之槃曰夷槃牀曰夷牀衾曰夷衾移尸曰夷于堂皆依尸而爲說是夷與尸古字通又古夷字作尸與尸相近故或从尸

或从尸也

十八年傳周子有兄而無慧 案大戴禮曰慧種生聖癡種生

狂故昌邑王清狂不惠惠與慧古字通

芋舌職 子惠子曰說苑作芋殖殖為舌職合聲

籍偃 韋昭曰籍偃晉大夫籍季之子籍游也世本曰襄生司

功大伯伯生候季子子生籍游游生談

爵不踰德 荀卿子曰爵賞不踰德是以為善者勸

以塞夷庚注夷庚吳晉往來之要道 案繁欽辨惑曰吳人者

以船楫為輿馬以巨海為夷庚臧榮緒晉書曰司徒王謐議

曰夷庚未入棗輿旋館陸機辨亡論曰旋皇輿於夷庚然則

夷庚者通謂車馬往來之大道以其在彭城故屬之吳晉也

小余正曰 庚通也

襄元年經楚公子壬夫 正謬正俗曰楚公子王夫字子辛今

之學者以其字子辛遂改王夫為壬夫按楚有公子午字子

庚庚是十幹午是十二支法有相配辛壬同是木幹與庚午

不類當依本字讀為王夫

傳真諸瓠邱注河東垣縣有壺邱亭 案壺與瓠通見毛公傳

二年傳正輿子 子惠子曰荀子曰棗不用子馬而齊并楊倬

曰或曰正輿子字子馬

二年傳組甲三百被練三千注組甲漆甲成組文被練練袍

馬融曰組甲以組為甲裏公族所服被練以練為甲裏卑者

所服賈逵曰組甲以組綴甲服虔車士服之被練帛也以帛

綴甲步卒服之凡甲所以為固者以盈竅而任力者半卑者

所服組盈竅而盡任力尊者所服棟謹案禮說稱賈氏義為

長少儀曰國家糜敝則甲不組滕逸周書曰年不登甲不纓

滕孔晁曰纓繩甲不以組別見初學記蓋組甲之工靡于被練故

凶歲不組滕所以節財也考工函人云凡察革之道既其鑽

空欲其窳也空窳則堅窳滿則固帛粗故任力者半組細故

盡任力呂覽有始篇曰邾之故法為甲裳以帛高誘曰以帛

綴甲即被練是也公息忌謂邾君曰不若以組甲凡甲之所

以為固以滿窳也今窳滿矣而任力者半耳且組則不然窳

滿則盡任力矣邾君以為然高誘曰組甲以組連甲賈氏之

說蓋本於此

乃盟於彤外京相璠曰今臨淄惟有澆水西北入沛即地理

志曰如水矣彤如聲相似然則澆水即彤也

其將來辭 韋昭曰辭陳其辭狀也

軍法有死無犯為敬 韋昭曰有死其事無犯其令是為敬命

案晉語韓獻子為司馬趙孟使人以其棄車于行獻子執而

戮之宣子召而禮之曰夫軍事無犯犯而不隱義也韋說頗

勝於杜

反役與之禮食 韋昭曰反役自役反禮食公食大夫之禮

士富為候奄 晉語曰使范獻子為候奄韋昭曰獻子范文子

之族昆弟士富也是范氏有兩獻子矣

四年傳文王帥殷之叛國以事紂 周書程典曰維三月既以

魄文王合六州之侯奉勤於商孔晁曰三分天下有其二生

服事殷也

季孫曰略注不以道取曰略 匠慶請用蒲圃之木故李孫曰

略正義言令匠慶略他木失之

有窮后羿 玉篇引作窺說文曰窺夏后時諸侯夷羿國也从

邑窮省聲

生澆及豷 澆說文引作敖論語作冪尙書云無若丹朱傲劉

向引作敖管子云若敖之在堯說文引書作冪云讀若傲論

語冪蕩舟以上說文是敖與冪通今傳作澆者敖澆音相近師讀

各異故也

敗於狐貍 禮記作臺貍淮南子墜形曰沂出臺貍術篆文臺

壺字相似壺又與狐通故傳作狐貍杜氏以為即番縣之目

台山案目台即淮南子曰貍山溜水所出杜說非也目台山今杜解

本作目台亭非是劉昭補註亦引作目台山

靡奔有鬲氏 汲郡古文曰帝相廿八年寒浞使其子澆弑帝

伯靡出奔鬲杜氏以為夏遺臣事羿者案羿死于帝相八年

言夏遺臣是也言事羿者非也

六年傳甲寅堙之注堙土山也 孫子謀攻篇曰攻城之法脩

櫓輶輻三月而後成距堙杜牧云距堙者踊土稍高而前以

附其城也

環城傅於堞 淮南子兵略曰設渠壑傅堞而守高誘曰傅守

也

七年傳公登亦登注禮登階臣後君一等 聘禮曰至於階三

讓公升三等注云先賓升二等君行一臣行二韓非子載穆

叔語曰今子不後寡君一等是其證也

八年傳子國曰國有大命荀卿子引詩云國有大命不可以告人妨其躬身故下云童子言焉將為戮矣

一介行李唐石經及釋文宋本皆作个徐鉉曰个字不合六書之體當作介

九年傳陳畚局唐石經作柶正義曰其字從手此臆說也漢書引此傳云陳畚輦輦音菊與柶同音史記河渠書云山行則柶韋昭曰柶木器如今輦牀人舉以行也然則輦與柶音義皆同故孔氏書正義以為柶輦本一字古篆變易形字體改易說者不同未知孰是

以出內火漢書引云以出入火案周毛伯鄭敦云毛伯內門立中庭內讀為入立讀為位古文春秋經公即位為公即立出入火為出內火皆古文也尚書云九江內錫大龜史記內作入是古人字皆作內徐邈音內為納非也

相士因之故商主大火汲郡古文曰帝相十五年商侯相士作棄馬遂遷於商邱鄭康成注周禮校人引世本亦云相士作棄馬古文士土相亂如盥和鐘以土為土牧敦以土為土之類詳見上土又與杜通故荀子去杜作棄馬左傳从古文故以土為杜

遇艮之八服虔曰爻在初六九三六四六五上九惟六二不變連山歸藏之占以不變者為占棟案易乾鑿度曰陽動而進陰動而退故陽以七陰以八為象易一陰一陽合而為十

五之謂道陽變七之九陰變八之六亦合於十五則象變之數若之一也鄭康成注云彖爻之不變動者九六爻之變動者繫辭曰爻效天下之動也然則連山歸藏占象本質性也周易占變者效其流動也彖者斷也如鄭此言連山歸藏占彖故下文雖引周易仍用二易以彖為占顧氏補正其說支離不可外也晉語曰公子筮之得貞屯悔豫皆八也筮史占之皆曰不吉閉而不通爻無為也蓋以不變為占故云爻無為也司空季子曰是在周易皆利建侯又董因曰臣筮之得泰之八日是謂天地配享小往大來是雖用周易而仍占彖夏殷之法也

隨其出也 虞翻注易隨卦曰隨陰隨陽謂隨卦三陰皆隨陽故卦名隨陰隨陽猶母隨子故隨其出也

門于剽門 張揖廣雅曰門守也

斬行栗 毛詩國風東門之栗毛傳云栗行上栗也

次於陰口而還 服虔曰參南曰陰口者水口也

國君十五而生子冠而生子 賈服說皆以為人君禮十二而

冠案高誘淮南子注曰三十而娶者陰陽未分時俱生於子

男從子數左行三十年立於巳女从子右行二十年亦立於

巳合夫婦故聖人因是制禮使男三十而娶女二十而嫁其

男自已數左行得寅故人十月而生於寅男子數从寅起女

自已數左行得申亦十月而生於申故女數从申起歲星十

二歲而周天天道十二而備故國君十二歲而冠冠而娶十

五生子重國嗣也故不从制說文曰元氣起於子子人所生也男左行三十女右行二十俱

立於巳為夫婦稷妊於巳巳為子十月而生男起巳至寅女起巳至申故男年始寅女年始申也案高注與說文同故宋

人亦以淮南  
為許慎注也

冠乎成公之廟 服虔曰成公衛會祖故以祧為曾祖廟時不  
冠于衛之始祖以非已廟故也

祈以幣更 呂覽二月紀是月也祀不用犧牲用圭璧更皮幣

高誘曰更代也以圭璧代犧牲也管子四時篇曰除神位謹

禱弊幣通梗周禮女祝掌以時招梗禴禳之事注云鄭大夫讀

梗為亢謂招善而亢惡去之杜子春讀梗為更玄謂梗禦未

至也案此則更讀為梗杜元凱謂以幣更牲未之考也詳見

禮說

十年經會吳于柎注柎楚地 京相璠曰柎宋地今彭城偃陽

縣西北有柎水溝去偃陽八十里司馬彪郡國志曰彭城偃

陽有柎水

偃陽 釋文云偃徐仙音甫目反棟案徐音是也古今人表作

福陽知古皆作福音也

傳士莊伯服本云云其將不免乎 服虔曰免脫也言將不脫罪

禍不以壽終也傳舉此者為十九年齊殺其大夫高厚二十

五年崔杼弑其君光起本也

邠人紇 唐石經及宋本皆作邠邠元引作邠論語同案聚字

古或省文作取說文曰邠魯下邑孔子鄉

建大車之輪而蒙之以甲以為櫓 正義曰建立也立此大車

之輪而覆之以甲以為櫓也 子惠子曰甲覆楯非覆輪當

云立之大車之輪

右拔戟以成一隊注百人為隊 高誘曰軍二百人為隊淮南司

馬法云五人為伍十伍為隊見李衛公兵法是又以五十人為隊國

語曰百人為徹行行頭皆官師賈逵云百人為一隊也官師

隊大夫也故杜據以為說

余羸老也 高誘曰羸劣人也

親受矢石 後漢書堅鐔傳曰輒先當矢石注石謂發石以投

人也墨子曰備城者積石百枝重十鈞以上者

桑林 莊子湯有桑林之舞司馬彪曰桑林湯樂也崔撰曰朱

舞樂名

偃陽姘姓也使周內史選其族嗣納諸霍人禮也 高誘淮南

子注云天子不滅姓古之政也

獻兆於定姜 高誘曰兆契龜之兆世所以占吉凶者也

爾車非禮也 唐石經曰爾車多非禮也案注當有多字

尉止 尉止尉翩以尉為氏謂之尉氏國稱陳雷風俗傳曰尉

氏鄭國之東鄙弊獄官名鄭大夫尉氏之邑故樂盈曰臣將

歸死于尉氏是也

諸侯之師還鄭而南 釋文曰還本亦作環棟案鄭氏士喪禮

注云古文環作還哀三年傳道還公宮同公羊傳云以地還

之也又云師還齊侯皆與環同

篳門閨竇 說文引云篳門圭竇康成禮記注云篳門荆竹織

門也圭竇門旁竇也穿牆為之如圭矣玉篇亦引作竅竅與

竇同物同音



十一年傳西濟于濟隧注濟隧水名 京相璠曰鄭地也又曰  
滎澤在滎陽縣東南與濟隧合濟隧上承河水於卷縣北河  
南逕卷縣故城東又南逕衡雍城西

同盟于亳 案經云同盟于亳城北二傳皆云京城北公羊疏  
云服氏之經亦作京城北與此傳同棟案亳城當依服氏作  
京京鄭地在滎陽隱元年傳謂之京城是也亳無考非也

司慎司盟 服虔曰二司天神司盟司慎不敬者監司察盟者  
女樂二八 王逸楚辭章句曰二八二列大夫有二列之樂韋  
昭曰八人爲列備八音也

書曰居安思危注逸書 案周書程典曰於安思危於始思終  
於邇思備於遠思近於老思行不備無違嚴戒

十二年傳同姓於宗廟 毛萇詩傳云同姓同祖也

楊梁 京相璠曰楊梁宋地今睢陽東南三十里有故楊梁今  
曰楊亭也俗名之曰繇城非西北去梁國八十里劉昭引杜  
注云有地名楊亭與京相說同

王使陰里結之 先鄭極婚禮結言結字本此傳

十三年傳什吏 周書大聚曰十夫爲什以年爲長卽什吏也  
窀穸 孔宙碑作窀夕說文云窀葬之厚夕說文無窀字明不  
从穴也

先王卜征五年而歲習其祥祥習則行 國語引大誓曰朕夢  
協于朕卜襲于休祥禮記云卜筮不相襲注云襲因也棟案  
襲與習通周禮大司徒屬胥各掌其所治之政襲其不正者

康成云故書襲為習是習為古文襲左氏从古文故以習為襲也哀十五年傳云卜不襲吉注云襲重也金縢云乃卜三

龜一習吉又鄭注士喪禮云古文褶為襲是襲與習通

十四年經衛侯出奔齊 不脩春秋曰孫林父甯殖出其君仲

尼脩之曰衛侯衍出奔齊臣逐君不可以訓猶召君也杜注

謬諸侯失國名公穀皆有衍字左傳脫也

傳執莒公子務婁 徐邈云務莫侯反禮說云務與牟古音同

莊子務光荀子作牟光徐音是也

君義嗣也 王肅曰義宜也嫡子嗣國得禮之宜周書曰王義

嗣德

蘧伯玉 高誘呂覽注曰伯玉衛大夫蘧莊子無咎之子瑗諡

曰成子

庸知愈乎

司馬彪莊子注曰庸猶何用也

厚成叔 釋文曰厚本或作邱世本日魯孝公生惠伯革其後

為厚氏陸淳曰邱成叔孝公八世孫外傳曰魯文公欲弛邱

敬子之宅韋昭云邱敬子魯大夫邱惠伯之後元孫敬伯同

也昭廿五年傳云季邱之雞鬪徐廣史記注曰一本作厚世

本亦然棟案呂氏春秋有邱成子與右宰穀同時以傳考之

即厚成叔也厚與邱通世本作厚內傳作邱禮記又作后左

傳或作厚或作邱字異而實同 說文曰厚古作厚从

邱氏惠伯華之後 世本作惠伯革鄭氏禮記注 以字為氏

為邱氏邱成子邱敬子國之子 國疑同邱青孫也皆據世本

而言然則厚成叔乃敬伯同之子也高氏曰以字為氏則非采邑古今人表有厚

昭伯師古曰即邱昭也

成國不過半天子之之軍 高誘呂覽注云成國成千乘之國也

師曠 王逸楚辭章句曰師曠聖人字子墜生無目而善聽

纂乃祖考無忝乃舊 棟案舊謂祖考之舊法也管子牧民篇

云恭祖舊

詩曰行歸于周萬民所望 服虔曰逸詩也都人士首章有之

康成緇衣注云此詩毛氏有之三家則公案西漢毛詩不列

于學官故服氏謂之逸詩猶鄭氏尚書古文二十四篇也

十五年經秋八月丁巳日有食之 隋志曰推合丁巳朔

傳王及公侯伯子男甸采衛大夫各居其列所謂周行也 左

氏說詩此古訓也詩云古訓是式漢時謂之故訓又謂之詁

訓詁訓者雅言也魯論曰詩書執禮皆雅言也周之古訓仲

山式之子之雅言門人記之爾雅以觀于古故又謂之爾雅

俗儒不信爾雅而仲山之古訓夫子之雅言皆不存矣後之

學者省諸爾雅釋故釋訓乃周公所作以教成王故詩曰古

訓是式

十六年傳戰于湛阪 京相璠曰昆陽縣北有蒲城蒲城北有

湛水者是酈元曰湛水出犇縣北魚齒山西北東南流歷魚

齒山下為湛浦今水北悉枕翼山阜於父城東南湛水之北

山有長阪蓋即湛水以名阪故有湛阪之名

惠徵君春秋左傳補註

方城之外 戰國策曰楚不守方城之外高誘曰方城楚塞也

外北也

十七年傳遂幽其妻 漢書幽作就

瘼狗 說文引作猯从犬折聲云狂犬也

澤門之哲 詩正義引云泉門之哲陸氏釋文云本或作泉者

誤棟案古泉澤字相同孫叔敖碑云收九罕之利婁壽以為

澤字但泉為白下本土刀切翠為四下卒本一字漢碑从四下

卒者誤今馬援傳注亦誤服虔漢書注云泉澤也詩鶴鳴于九泉王

仲任薛夫子薛漢父撰韓詩章句皆以為九折之澤諸侯本有泉門何

獨宋不然也

晏嬰麤衰斬 鄭康成曰麤衰斬者其縷在齊斬之間謂縷如

三升半而三升不緝也斬衰以三升為正微細焉則屬於粗也

唯卿為大夫 鄭康成曰此平仲之謙辭也言已非大夫故為

父服士服耳王肅聖證論曰喪禮自天子以下無等故曾子

云哭泣之哀齊斬之情饘粥之食自天子達且大國之卿與

天子上士俱三命故曰一也晉士起大國上卿當天子之士

也平仲之言唯卿為大夫謂諸侯之卿當天子之大夫非謙

辭也春秋之時尊者尚輕簡喪服禮制遂壞羣卿專政晏子

惡之故服麤衰枕艸於當時為重是以平仲云唯卿為大夫

遜辭以避害也杜氏从王說

十八年傳跪而戴之 李登聲類曰跪跽也

齊侯禦諸平陰塹防門而守之廣里 京相璠曰平陰齊地也  
 在濟北盧縣故城西南十里 杜氏云在縣東北非也 平陰城南有長城  
 東至海西至濟河道所由名防門去平陰三里司馬彪郡國  
 志曰濟北盧縣有平陰城有防門有光里京相璠曰防門北  
 有光里齊人言廣音與光同杜氏以為平陰城南有防防有  
 門於門作塹橫行廣一里皆臆說也

巫山 京相璠曰巫山在平陰東北

必施而疏陳之 淮南子曰疏隊而擊之高誘曰疏分也司馬  
 法曰凡陳行惟疏戰惟密

有班馬之聲注夜遁馬不相見故鳴班別也 棟案班還也郭  
 璞引作般齊師夜遁馬鳴聲漸遠故云班馬之聲尚書班瑞

于羣后史記班作還古字通

戊戌及秦周 子惠子曰呂覽慎大篇曰齊達子帥其餘卒以  
 軍于秦周高誘曰秦周齊城門名也案秦周當是齊地名杜  
 氏以為魯大夫失之

伐雍門之菽 戰國策孫子謂田忌曰使輕車銳騎衝雍門高  
 誘曰雍門齊西門名也菽酈元引作菽案玉篇音且畱切云  
 蒿也當从菽又七肖反釋文云木又作秋

斬其櫛以為公琴 棟案公琴頌琴也頌與公古字通

焚申池之竹木 淮南子墜影訓曰申池在海隅高誘曰海隅  
 藪劉逵據以注齊都賦京相璠言申門即齊城南面第一門  
 外為申池杜于文十八年傳依京氏為說非也

以枝數闔注枝馬櫪也 案枝猶个也廿一年傳云識其枝數  
則枝不得為馬櫪

扣馬 呂諶字林曰扣牽馬史記注

甚雨及之 甚古文湛字見詛楚文莊子天下篇云沐甚雨節  
疾風崔煥本甚作湛音淫湛雨猶久雨也或云檀弓云雨甚  
至甚當讀如字亦通

吾驟歌北風又歌南風南風不競多死聲 服虔曰北風夾鐘  
無射以北南風姑洗南呂以南南律氣不至故死聲多吹律  
而言歌風者出聲曰歌以律是候氣之管氣則風也故言歌  
風

十九年傳先吳壽夢之鼎注以璧馬為鼎之先 子惠子曰馬

為庭實未聞以馬為先且馬不上堂安得先之先吳鼎亦不

辭先吳猶言先秦先漢歟

癰疽 玉篇引作疽多但切

作林鐘而銘魯功 呂諶字林曰銘題勒也

亾之道也 唐石經云亾之之道也

顏懿姬饜聲姬 杜此注全用服氏服氏又云傳家從後言之

故舉諡也

諸子注諸妾姓子者 杜亦用服注此當从傳遜說以諸子為  
內官也

屬諸戎子 服虔曰戎子子牙養也棟案養謂養母也

廢常不祥 服虔曰立長為祥立而廢之為不祥也

閒諸侯難 服虔曰閒犯為光已列於諸侯難成  
是專黜諸侯 服虔曰專獨也光比於諸侯列於會盟不可黜  
也

而以難犯不祥也 服虔曰以難成之事犯不善

崔杼微逆光 服虔曰微隱匿也棟案哀十六年傳其徒微之

是微為隱匿也

疾病而立之 服虔曰立為太子

子孔當罪 鄭康成曰當謂值其罪音丁浪反

問守備焉以無備告揖之乃登 服虔曰彭仲博以為齊侯號

衛衛慙而下云問守備焉問衛之守高唐者衛無恩信故令

守者以無備告齊侯善其言故揖之乃命士率登城此說近

之棟案經典序錄曰汝南彭汪字仲博說先師奇說及舊注

又昭廿七年傳云母老子弱是無若我何彭仲博云當言是

無我若何我母無我當如何我字當在若上正義所載惟此

一說

廿年傳陳慶虎慶寅 王符曰慶氏媯姓

廿一年經漆閭邱注南平陽縣西北有顯閭亭 闕駟十三州

記曰山陽南平陽縣有閭邱鄉伍氏從征記曰杜氏謂顯閭

邱今案漆鄉在縣東北漆鄉東北十里有邱鄉顯閭非也

公姑姊 子惠子曰成公同宗之女于公為姑姊故云公姑姊

注及正義皆失考

妬叔虎之母美而不使 唐石經云而不使視寢 旁增論衡引

此傳與石經同

深山大澤實生龍蛇 王充曰妖氣生美好故美好之人多邪

惡火有光耀亦有容貌龍蛇東方木含火精故美色貌麗膽  
附於肝故生勇力火氣猛故多勇木剛強故多力也

欒盈過於周周西鄙掠之 唐石經云欒盈奔楚過於周又一  
本云欒盈出奔楚過於周周西鄙人略之

得罪于王之守臣注范宣子為王所命故曰守臣 子惠子曰

守臣指晉君書句同為上卿書稱陪臣句稱守臣有是理乎

范氏矯君命逐盈故盈以為得罪于晉君

使候出諸轅轅 棟案候候人也周禮夏官候人職云若有方

治則帥而致于朝及歸送之于竟

臣食其肉而寢處其皮矣 鄭康成曰古者殺牲食其肉坐其

皮

皇清經解卷三百五十五終

嘉應生員葉幹校

皇清經解

卷三百五十五 惠徵君春秋左傳補註

三



皇清經解卷三百五十六

學海堂

春秋左傳補註

吳惠徵君棟著

廿二年傳焉用聖人

風俗通曰聖者聲也言聞聲知情故曰

聖家語顏回曰武仲世稱聖人何休膏肓曰說左氏傳者春秋之志非聖人孰能脩之言夫子聖人乃能脩之御叔謂臧武仲為聖人是非獨孔子玄箴之曰武仲者述聖人之道魯人稱之曰聖今使如晉過御叔御叔不說學見武仲而兩行敖之云焉用聖人為左氏傳載之者非御叔不說學不謂武仲聖與孔子同

與執燔焉釋文云燔又作燔

案僖廿四年傳及成十三年傳

皆作燔說文曰燔宗廟火孰因从炙番聲春秋傳曰天子有

事繇焉以饋同姓諸侯此傳燔字當从繇轉寫誤爲燔耳  
執事實重圖之 高誘曰重深

貴而能貧 能猶耐也

未益祿而有馬數十乘 荀卿子曰大功已立士大夫益爵官  
人益秩庶人益祿未益祿而有馬士庶同于卿

三日棄疾請尸 周禮掌戮曰凡殺人者肆之三日

廿三年傳禮爲鄰國闕 服虔曰鄰國尙爲之闕樂況甥舅之  
國乎顧氏補正用其說而不稱服註

右撫劍 案古制舞劍于左軍禮從右

斐豹 廣韻引作斐甫微切

戊邾邵 棟案邾邵晉二邑文六年傳云趙孟殺公子樂于邾

說文曰邾晉邑司馬彪郡國志曰河東垣縣有邵亭張華博

物志曰垣縣東九十里有邾邵之阨

晏釐 徐邈音來棟案外傳作萊古字通徐音是也

新樽絜之 釋文云本亦作尊又昭十五年傳樽以魯壺釋文

云樽本或作尊又作罇棟案曹憲文字指歸云檢字無此从

缶从木者說文云字从酋寸酒官法度也今之尊卑從此得

名故尊亦爲君父之稱

禍福無門唯人所召 無門言同一門出入也荀卿子曰禍與

福鄰莫知其門管子禁藏篇曰福不擇家禍不索人

美疾不如惡石 服虔曰砭石也戰國策曰扁鵲怒而投其石

高誘曰石砭所以砭彈人癰腫也

砭石見山海經

娶于鑄注鑄國 樂記曰武王未及下車封帝堯之後于祝康  
成云祝或為鑄高誘曰鑄讀作祝古音通故或作鑄或作祝  
盍以其犯門斬關 周禮司盟曰盟萬民之犯命者故孟椒欲  
用之當其罪

季孫用之 疾疢之言驗矣

下妾不得與郊弔 子惠子曰賤者野受弔謂之郊弔所謂君  
遇柩於路使人弔者庶人則然士喪君視斂則郊弔非士也  
注與正義皆失之

不穴於寢廟 子惠子曰廟日祭月祀朝聘饗燕皆行之於廟  
故鼠不穴疏以為廟幽靜失之

廿四年傳既歿其言立 高誘呂覽注曰立猶見也

恕思以明德 周書程典曰慎德必躬恕恕以明德李登聲類

文選曰恕人心度物也

輔躒說文引作趨釋文曰本又作櫟

部婁無松柏 說文引作附婁云小土山也應劭風俗通曰部

者阜之類也今齊魯之間田中少高功名之為部矣周伯琦

六書正誤啟从自仅聲俗用培塿非

皆居轉而鼓琴 傅遜曰轉當為軫棟案文選注引許慎淮南

子注曰軫轉也或是古軫字有作轉耳方言曰軫謂之枕郭

璞曰車後橫木

敢問降階何由 君禮臣有降階之儀程鄭下人非所宜問故

廿云惑也

廿五年經諸侯同盟于重邱 應劭地理風俗記曰安德縣北  
五十里有重邱鄉故縣也

傳困于石往不濟也據于蒺藜所恃傷也 往不濟謂九四為

石所恃傷謂九二為蒺藜初至四互未濟故往不濟

公拊楹而歌 服虔曰公為姜氏不知己在外故歌以命之也

一曰公自知見欺恐不得出故歌以自悔

陪臣于楹 史記作爭趣棟案左傳楹字亦有作趣者昭廿年

傳云賓將楹杜子春注周禮引此作趣史記本作于趣徐廣云

後人改為爭趣非也楹趣二字古皆从取聲

故君為社稷死則死之為社稷則亾之 服虔曰謂以公義

為社稷死亾也如是者臣亦隨之死亾案杜義未完

若為己死而為己亾非其私暱誰敢任之 服虔曰君自以

己之私欲取死亾之禍則私近之臣所當任也

南史氏 新序云南史氏是其族也

執簡以往 服虔曰古文祭書一簡八字案齊崔杼弑其君光

則一簡之文也

四嬰 高誘呂覽注曰嬰棺飾也畫黼黻之狀如扇於僂邊天

子八諸侯六大夫四也又淮南子注曰嬰狀如今要扇畫文

插置棺車箱以為飾多少之差各從其爵命之數也嬰本作

翌古文也周禮縫人云衣翌柳之材注云故書翌柳作接櫛

鄭司農云接讀為翌櫛讀為柳皆棺飾檀弓曰周人牆置翌

春秋傳曰四翌不躡先鄭引檀弓作翌引左傳作翌明古文

春秋傳本作𡗗杜氏改為𡗗失之矣

當陳隧者 高誘曰隧道也司空治軍隧道王肅以為墓道非

也 古文𡗗與𡗗同

昔虞闕父 陳球碑作遏高誘曰闕讀曰遏止之遏然則闕遏

同音故或作遏也

為周陶正 王應麟曰有虞氏上陶舜陶河濱器不苦窳周陶

正猶以虞闕父為之

以備三恪 說文引作窻从心客聲敬也義雲章亦以窻為恪

魏封孔羨碑又作恪焦弱侯以為恪即古客字未詳 禮記正義熊氏

云周之三恪越少昊高辛遠存黃帝者取其制作之人故易繫辭云神農氏沒黃帝堯舜氏作

授手于我 手古首字士喪禮云載魚左首進箸注云古文首

為手成二年經曹公子首公羊作手是字通之證

天子之地一圻 鄭康成引作畿高誘曰方千里為畿方百里

為同周禮大司馬九近之籍先鄭司農云近當言畿蓋古圻

字或作近禮記相近于坎壇王肅讀近為祈齊侯罇鐘云用

片眉壽片本古文近字通為祈詩有祈父尚書酒誥作圻父

鄭康成詩箋云祈圻畿同

書曰慎始而敬終終以不困注逸書 案周書常訓解云慎微

以始而敬終乃不困正義以蔡仲之命云云證之此晉時僞

古文襲左傳而為之者也 徐幹中論引書云慎始而敬終以不困

廿六年傳頷之而已 說文引作頷云低頭也玉篇引杜氏注

亦作頷又音欽曲頷也列子云巧夫頷其頷而歌合律注云

鎮猶搖頭也

子產其將知政矣 呂覽仲冬紀曰申侯伯如鄭三年而知鄭國之政高誘曰知猶爲也

乃立囚 子惠子曰立囚爲證也

赤而毛 服虔曰其身色赤而生毛也

平公入夕 服虔曰視夕也

而視之尤 服虔曰尤過也意悅之視之過也

姬納諸御 服虔曰納之平公之御

嬖生佐惡而婉太子痤美而很 服虔曰婉順也佐貌惡心順

太子貌美而心很很戾不從教案後傳云元公無信多私不得如服注惡而婉謂內惡而外婉也美而很謂內美而外很

也以伊戾之讒慝小人而不爲大宰所寵而元公獨嬖寺人

柳則二人之賢不肖顯然矣

寺人惠牆伊戾 服虔曰寺人宋闞士惠牆皆發聲實爲伊戾

以公寺人爲太子內師掌內官

過宋 服虔曰楚客道過宋

夫不惡女乎 服虔曰夫謂太子伊戾無寵於太子故曰夫不

惡女

縱有共其外莫共其內 服虔曰言我內師也當共內使

加書徵之 服虔曰以書爲之徵驗也書盟書

欲速 服虔曰速疾也欲疾代公得位故與楚客謀弑其父也

固聞之 服虔曰固久也久聞太子欲爲亂

唯佐也能免我。佐內惡而外婉，太子不知而謂其能免我，實不然也。

左師聞之。服虔曰：聞太子與佐期日中。

乃縊而死。服虔曰：經書宋公殺其世子痤，平公用伊戾之譖，信夫人左師之言，世子無罪而死，故稱宋公殺罪之也。

左師見夫人之步馬者。廣韻曰：駙馬習馬。孫恤案：左傳步馬字不從馬。

君夫人氏也。正義曰：夫人氏者，氏猶家也。棟案：正義非也。弃本芮司徒女與宋同姓，故不云某氏。始言君夫人氏，後言君之妾弃也。公羊傳曰：宋三世無大夫，二世內娶也。

君與夫人不善是也。唐石經云：君與大夫下云君大夫謂椒。舉石經是也。案林堯叟本仍作夫人，知傳譌已久。韋昭曰：是理也。

楚之良在其中軍王族而已。唐固國語注云：族親族同姓也。韋昭曰：族謂部屬。棟案：韋說是也。成十六年傳云：欒范以其族夾公行。劉光伯曰：族者屬也，非謂公族之兵。欒范易行以誘之。鄭衆曰：易行中軍與上下軍易卒伍也。中軍之卒良，故易之。賈逵又一說見正義。皆勝杜注。

廿七年傳皆取其邑而歸諸侯，諸侯是以睦於晉。劉光伯云：

晉宋古本皆不重言諸侯，則唯謂齊魯宋三國睦耳。棟案：不重言諸侯是也。謂唯三國睦非也。上文云：使諸侯僞效，烏餘之封者是時三國皆在故下云：皆取其邑而歸爲絕句。重言

諸侯者衍文也

唯卿備百邑注此一葉之邑正義曰一葉之邑每邑方十里

棟案熊安生禮記義疏云卿備百邑者鄭志以為邑方二里與百葉別

欲弭諸侯之兵 弭亦作彌周禮小祝彌茲兵杜子春讀弭如彌兵之彌康成云彌讀如枚枚安也

仲尼使舉是禮也以為多文辭 服虔曰以其多文辭故特舉而用之後世謂之孔氏聘辭以孔氏有其辭故傳不復載也此與公羊昭廿五年齊侯唁公于野井以遇禮相見孔子曰其禮與其辭足觀矣皆仲尼之所取者也

楚氛甚惡 王逸楚辭章句曰氛惡氣也

晉楚爭先 子惠子曰楚人衷甲為爭先也

以誣道蔽諸侯 陸氏曰服虔王肅董遇並作弊婢世反云踣也正義曰服本作弊云斃踣也一曰罷也棟案蔽與弊通昭十四年傳云叔魚蔽罪邢侯周禮大司寇職云以邦成弊之鄭眾曰蔽之斷其獄訟也是蔽與弊通

何以恤我我其收之 顧炎武云見周頌棟案頌云假以溢我

說文及廣韻引詩云譏以謚我譏與何音相近伏生尚書云維刑之謚哉古文作恤恤慎也故毛傳亦訓溢為慎

傳作恤與毛傳義合古謚溢字通

莊子齊物曰以言其老洫也釋文云洫本亦作溢古

書篆作立心與水相近故恤誤為洫又為溢也鄭氏訓為盈溢失之杜氏訓恤為憂

尤誤說文云譏嘉善也毛傳訓假為嘉義亦同



齊崔杼生成及疆而寡 墨子辭過篇曰內無拘女外無寡夫  
又云天下之男多寡無妻女多拘無夫顧炎武案小尔正云  
凡無夫無妻通謂之寡

棠無咎 唐石經無作无棟案无字見衛宏古文奇字今易无  
咎字皆从此釋文云本亦作无

崔宗邑也 案宰相世系表崔氏之先齊丁公之嫡子季子讓  
國叔乙食采於崔遂為崔氏故曰宗邑猶晉之曲沃也

崔明來奔 宰相世系表曰子明奔魯生良十五世孫意如為  
秦大夫封東萊侯

廿八年傳歲在星紀而淫于玄枵注星紀在丑斗牛之次玄枵  
在子虛危之次 漢律歷志星紀在子玄枵在丑正以歲星

右行于天星紀為子而貞于丑故在丑其次玄枵貞于丑則  
在子如是則十二辰皆合樂用焉漢法陽左行陰右行右

行者每退一辰以次為貞故星紀貞于丑時俗以星紀為丑  
玄枵為子失之 合辰合樂本坤  
豕喪朋之說

子雅子尾注二子皆惠公孫 棟案高誘呂覽注云子雅惠公  
之孫公子欒堅之子竈也子尾惠公之孫公子高祈之子薑

也杜氏高氏皆據世本唐時世本已非全書故正義不詳所  
出 韓非子日子夏子尾者景公  
之二弟也夏與雅古字通

得慶氏之木百車于莊注六軌之道 下云反陳于嶽注云嶽  
里名案莊亦里名昭十年傳云又敗諸莊哀六年戰于莊孟

子曰莊嶽之閒趙岐曰莊嶽齊街里名

樂高陳鮑之徒注樂子雅高子尾 案樂堅高祈以字為氏故

曰樂高

慶封汜祭 鄭康成讀汜與窆同補鄧反

吳句餘注句餘吳子夷末也 司馬貞曰計餘祭襄十九年卒

則二十八年賜慶封邑不得是夷末棟案服虔以句餘為餘

祭是也

朱方 顧夷吳地記曰朱方秦改曰丹徒

在外不得宰吾一邑 得罪出亾在外則不得宰一邑故下云

恐失富也正義以宰為益失之

夫民生厚而用利於是乎正德以幅之使無黜嫚 子惠子曰

此夏書九歌中三事之義疏也

武王有亂臣十人 唐石經無臣字石經論語亦然又昭廿四

年傳引大誓亦無臣字後人皆據晉時所出古文大誓以益

之非也辨見論語考

榮成伯 王符曰榮氏魯公族韋昭曰成伯魯大夫聲伯之子

名樂

以徵過也 子惠子曰徵讀從楚辭不清徵其然否之徵

廿九年傳璽書追而予之 高誘曰璽讀如移徙之徙印也韋

昭曰古者大夫之印亦稱璽璽書璽封書也應劭漢官儀曰

封太山以金泥銀澠印之以璽璽施也信也古者尊卑共之

月令曰固封璽春秋傳璽書追而與之是也秦漢以來尊者

以為名乃使避衛宏漢舊儀曰秦已前民皆以金銀銅犀象

為方寸璽各服所好漢以來天子獨稱璽又以玉羣臣莫敢用也棟案璽惟周禮月令及此傳有明文餘無聞焉唐六典引周書曰湯放桀大會諸侯取天子之璽置天子之座云云據此則商以前已有璽名矣

祇見疏也 棟謂疏當為詭字之誤也呂覽先識篇云無由接而言見詭高誘曰詭讀為誣妄之誣下云欺其君何必使余明疏為誣欲之而言叛非誣乎杜氏好改古文故古文古義存者少矣

固辭 鄭康成曰固之言如故也言如故辭者重辭也 投壺唐石經云辭固疑非

不尙取之 服虔曰不尙尙也尙當取女叔侯殺之

武獻以下兼國多矣 呂覽曰獻公卽位五年兼國十九

毋寧夫人而用老臣 服虔曰毋寧寧也寧自取夫人將焉用老臣乎劉炫是服說

請觀于周樂 服虔曰周樂魯所受四代之樂猶未也 賈逵曰言未有雅頌之成功也服曰

吾聞衛康叔武公之德如是 賈逵曰康叔遺管叔蔡叔之難

武公罹幽王褒姒之憂故曰康叔武公之德如是

為之歌王 服虔曰王室當在雅衰微而列在風故國人猶尊之故稱王猶春秋之王人子惠子曰王者采風畿內故有王風周官六詩比賦興風雅頌安得謂王者無風後儒以詩亾為雅亾失之甚矣

其細已甚民弗堪也 服虔曰其風細弱已甚攝乎大國之間  
亾遠慮持久之風故曰民不堪將先亾也

泱泱乎大風也哉 服虔曰泱泱鈞緩深遠有大和之意  
風刺辭約而義微體疎而不切故曰大風

國未可量也 服虔曰國之興衰世數長短未可量也  
此之謂夏聲 服虔曰與諸夏同風故曰夏聲棟案後世言秦

夏本此

大而婉險而易行 賈逵曰其志大直而有曲體歸中和之德  
難成而易行案史記險作儉古文也漢劉脩碑云動乎儉中

今易作險

則明主也 史記作盟主案古明字从囧賈侍中說讀與明同

嘯堂集古錄載齊侯罇鐘曰繼命于外內之事中教盟刑

刑即明刑也毛詩黃鳥曰此邦之人不可與明箋云明當為  
盟釋名盟明也告其事於神明也

怨而不言 王肅曰非不能言畏罪咎也

其周德之衰乎 服虔曰此歎變小雅也白鹿鳴至菁菁者莪

道文武脩小政定大亂致大平樂且有儀是為正小雅陳又  
王之德武王之功自文王以下至鳧鷖是為正大雅

遷而不淫 服虔曰遷徙也文王徙鄆武王居鄩

若有他樂吾不敢請已 服虔曰周用六代之樂堯曰咸池黃  
帝曰雲門魯受四代下周二等故不舞其二季札知之故曰

有他樂吾不敢請

子速納邑與政 服虔曰入邑與政職於公不與國家之事子  
惠子曰古者有政便有邑邑者田邑也古祿以田

慎之以禮 服虔曰禮所以經國利社稷也

辨而不德必加於戮 服虔曰辨若鬪辨也夫以辨爭不以德

居之必加於刑戮也

吾子好直 服虔曰直不能曲撓以從衆

禘諶 古今人表作卑湛師古曰卑音脾湛音諶風俗通曰卑

氏鄭大夫卑湛之後漢有卑躬為北地太守杜改卑為禘俗

又改湛為諶古文盡亾矣釋文猶作湛

卅年傳正月甲子朔四百有四十五甲子矣其季於今三之一

也 熊朋來曰魯襄公三十年歲次戊午二月辛酉朔初四

日甲子二十三日癸未日其季於今三之一者言甲子數至

癸未日正得二十日是三分六十甲子之一也季者餘數也

積四百四十四甲子零二十日算得二萬六千六百六十日

除五十三日在本年正二月 戊午正月大該三十日二月二十三日 止有二萬

六千六百零七日逆推得絳縣老人是魯文公十一年乙丑

歲三月生故曰臣生之歲正月甲子朔注謂夏正月若以周

正則三月也本台云七十四年此時方是二月若夏正則十

二月故除本年不算日七十二年也

亥有二首六身 子惠子曰史趙以亥字推算其年者蓋以亥

乃絳縣人之名即孟子之亥唐韓非子言晉平公於唐亥云

云或孟子傳寫倒其名氏也

或叫于宋天廟曰諄諄出出 叫說文引作訃云大呼也唐石  
經作叫傳遜曰說文云諄痛也案說文引傳云諛諛出出云

諛然从言矣聲說文訓諄為痛與此傳無涉傳氏非也鄭氏周禮

注引作諄  
諄出出

公焉在 士喪禮曰升公卿大夫繼主人東上鄭注云公大國  
之孤四命也賈疏典命云公之孤四命鄭為伯爵不命言孤  
但良宵鄭之公族大夫貴重之極比于大國之孤故家臣尊  
其主亦號為公耳

印段 說文作礮字子石

介于襄庫 案介甲也取襄庫之甲以入伐襄廿六年齊烏餘  
襲高魚介其庫注云入高魚之庫而介其甲是也襄廿七年

傳云介慶氏之甲

上下有服 高誘曰服法服也君子小人各有制

斗城 案水經注斗城在陳畱沙水所經也

吾其與之 高誘曰與猶助也

卅一年傳古之道也 何休膏肓曰若其以下隱桓以禍皆由

此作乃曰古制固亦謬矣鄭箴之曰立長以嫡不以賢固立  
長矣立子以貴不以長固以貴矣若長均貴均何以別之故  
須卜禮有詢立君卜立君是有卜也

是謂不度 顏籀曰不度不遵禮度也棟案孝經援神契云天

子之孝曰就諸侯曰度在戚而有嘉容故謂之不度

猶有童心 服虔曰言其無成人之志案士冠禮曰弃尔幼志

順尔成德幼志猶童心也諸侯十二而冠昭公十九年矣猶

有童心故不終荀子曰天子諸侯十九而冠弁尔幼志今有童心故不終也

高其閉闔注闔門也 匡謬正俗曰下文云門不容車杜元凱

云門庭之內迫迤又有牆垣之限尔正云所以止扉謂之闔

郭景純云門辟旁長楹也左傳曰高其閉闔案若館門實高

而直庭內迫迤者即當云庭不容車不應云門也又高為門

戶非關止盜之方文伯所稱不應云以無憂客使若門得車

入則子產止須引車入門何勞壞垣云不可踰越蓋是門既

不大而止扉又高以牢固扞禦寇賊子產為其不容車入故

壞垣耳尋文究理郭說得之

繕完葺牆 李涪刊誤曰案文當云繕宇葺牆書云峻宇彫牆

足以為比

巧人以時填館宮室 劉逵引此傳填作冪云墁也館宮室諸

侯傳也

天厲不戒 正誤曰天厲注疏及臨川本作天地之天與國本

及建本作天闕之天據注當作天然經中有言厲疾天札則

天厲亦不為非姑俟達者

子太叔美秀而文 案說苑政理篇亦載此事蓋本左傳乃云

子太叔善決而文善決訛為美秀

公孫揮能知四國之為而辨於其大夫之族姓班位 說苑政

理篇作族姓變立愚案變立即古文班位字也古讀變為辨

辨為班古文位作立劉歆傳曰春秋傳多古字古言乃知向

惠徵君春秋左傳補註

所據者皆古字也

故委政焉 倉頡篇曰委任之也文選

令尹似君矣 正義曰服虔云言令尹動作以君儀故云以君

矣服言以君儀者明年傳云二執戈者前矣是用君儀也俗

本作似君若云似君不須言矣今定本亦作似君恐非壞案

古以字作目與似通故誤作似此條正義見宋槧本故備錄

之

衛詩曰 十九年傳歌邶鄘衛季札曰是其衛風乎知邶鄘衛

皆為衛詩詩序亦云

紂囚文王七年諸侯皆從之囚 汲郡古文曰帝辛廿三年囚

西伯于羑里廿九年釋西伯諸侯逆西伯歸于周周書程典

商王用宗讒震怒無疆諸侯口娛逆諸文王

昭元年傳伍舉為介 孫叔敖碑作五舉案唐石經初刻亦作

五後改从人非也伍尙伍員字同古今人表伍子胥亦不從人

梁其蹕 孫恂曰梁其蹕魯伯禽子梁其之後

牆之隙壤 韓非子曰牆之壤也必通隙

周有徐奄 案周書周公相天子殷東徐奄从三叔為亂又汲

郡古文云成王二年奄人徐人及淮夷入于邶以叛賈景伯

杜元凱皆云徐即淮夷失之

趙孟欲一獻 鄭玄曰一獻士飲酒之禮

具五獻之籩豆於幕下注朝聘之制大國之卿五獻 禮記正

義曰卿大夫俱三獻故昭六年傳云得貺不過三獻五獻者



亂世之法非禮之正也

大國省穡而用之 周書程典曰生穡省用不濫其度

弁冕端委注弁冕冠也 案釋文云弁端委無冕字石經及正

義皆云弁冕端委說文云冕古弁字冕也故杜訓為冕冠弁冕

之冕衍文也

子盍亦遠績禹功而大庇民乎 周譜云定王五年河徙故道

及穀雒鬪後河勢愈甚劉子以治河事委趙孟故有是言齊

人城邾晉未聞焉鄭大叔曰晉國不恤宗周之闕是也

諺所謂老將知而耄及之者 大雅抑詩曰借曰未知亦聿既

耄蓋當時之語云亦然

徐吾犯 廣韻曰鄭公子有食采於徐吾之鄉後以為氏據此

則子南子皙爭同姓以為室也

及衝擊之以戈 說文引云及衝以戈擊之

將行子南 鄭康成詩箋云行亦放也下文子將行之同

周公殺管叔而蔡蔡叔注蔡放也 釋文云上蔡字音素葛反

說文作粲从殺下米玉篇云粲糲粲散也書作蔡字正義漢

書宣帝元康三年詔曰骨肉之親粲而不殊稽康琴賦云新

衣翠粲李善云子虛賦翁呶翠粲張揖曰翠粲衣聲也案子

虛賦又作萃蔡愚謂漢書文選粲字皆粲字之誤粲本與蔡

通故又作蔡禹貢曰二百里蔡鄭康成注云蔡之言殺鄭注尚書

大傳云蔡衰也減殺其賦減殺者猶未減也叔非首謀慮从末

減之科故不殺而囚之如此則不必改字而義亦得矣上文云余

不女忍殺宥女以遠亦謂从末減 小尔疋日蔡法也

造舟于河 徐堅曰在蒲反夏陽津今蒲津浮橋是其處

鮮不五稔 王充曰王者有過異見於國不改災見草木不改

災見於五穀不改災至身若年穀和孰不至及身而凶故云

鮮不五稔

兩於前伍於後專為右角參為左角偏為前拒 服虔引司馬

法曰五十葉為兩百二十葉為伍八十一葉為專二十九葉

為參二十五葉為偏阮逸謂荀吳用車法雖舍車而法在其

中服氏之說未可非也

實沈臺駘為祟 說文曰祟神禍也

曠林 賈逵曰曠大也

遷闕伯於商邱 賈逵曰商邱在漳南

主辰 服虔曰主祀也

及成王滅唐而封太叔焉 史記封作國鄭世棟案尙書序云

武王既勝殷邦諸侯又康誥序云以殷餘民邦康叔孔氏云

國康叔為衛侯此傳依史記當云邦大叔古字邦封同 見書正義

漢諱邦改為國故云國大叔也 論語邦域之中今作封域是字同之驗 下文封

諸汾川同

宣汾洮 正義曰洮水闕子惠子曰洮即涑川酈氏以為涑水

一名洮水水出河東聞喜縣黍葭谷俗謂之華谷至周陽與

洮水合司馬彪曰洮水出聞喜縣故王莽以縣為洮亭

山川之神則水旱癘疫之災於是乎禁之日月星辰之神則雪

霜風雨之不時於是乎祭之 鄭康成注周禮引此傳云日月星辰之神則雪霜風雨之不時於是乎祭之山川之神則水旱癘疫之災於是乎祭之賈公彥曰鄭君所讀春秋先日月與賈服不同說文曰祭者設縣繩為營以禳風雨雪霜水早癘疫於日月星辰山川也是許君所讀春秋亦與鄭同史所載同於服賈

中聲以降 荀卿子曰詩者中聲之所止也楊倞曰詩謂樂章所以節聲音至乎中而止不使流淫也 風淫末疾 賈逵以末疾為首疾謂風眩也逸周書曰元首曰末易卦初為本上為末故上為首為角杜據素問以四支為四末故謂末疾為四支然不及賈注之當

穀之飛亦為蠱 釋器云康謂之蠱郭璞曰米皮簸之揚之康稅在前故云穀之飛外傳云蠱之慝穀之飛實生之

將會孟子餘 史記趙世家云趙夙生共共生孟孟生衰古今人表云趙孟夙子生衰世本云公明生共孟及夙案文當云共孟及衰史記分共孟為兩人傳寫之誤孟子餘謂共孟及衰

甲辰朔烝于溫 服虔曰甲辰朔夏十月月朔也祭人君用孟月人臣用仲月

二年經叔弓注叔老子 世本日叔肸生聲伯嬰齊齊生叔老 老生叔弓 樂曰黃帝時有黃水

傳見易象與魯春秋曰周禮盡在魯矣吾乃今知周公之德與

周之所以王也。古謂易為象故曰易象九家說卦云乾為衣坤為裳繫曰黃帝堯舜垂衣裳而天下治蓋取諸乾坤尙書臯陶謨帝曰予欲觀古人之象古人之象即易也法乾坤而制衣裳觀象方知故欲觀古人之象古人當謂黃帝伏羲畫八卦神農重之黃帝通之杜子春以歸藏為黃帝易有以也在天成象伏羲法之作八卦故謂之象商謂之坤乾周謂之易左氏稱易象猶不失古意觀書于太史氏土自易象下至魯春秋中舉周禮而周禮一書于宣子口中敘出此左氏行文之妙也周禮為周公致治之書觀周禮故知周公之德易為聖人贊化育之書故觀易象而知周之所以王謂文王也讀者不考周禮一語遂謂易象爻辭乃周公所作以實周

公之德一語失之遠矣

季氏有嘉樹焉宣子譽之注譽其好也 服虔曰譽游也宣子游其下夏諺曰一游一譽為諸侯度今孟子作豫趙岐章句曰豫亦遊也春秋傳曰季氏有嘉樹宣子豫焉周易序卦曰豫必有隨鄭康成注引孟子吾君不豫以為證則知此傳譽字本作豫故服虔互引為證孫子兵法曰人效死而上能用之雖優游暇譽令猶行也外傳作暇豫李善曰譽與豫古字通

三年經北燕伯款出奔齊 此與衛侯衎出奔齊一例杜注謬傳張趯 宰相世系表曰周宣王時有卿士張仲其後裔事晉為大夫張侯生老老生趯趯生幣

豆區釜鐘

顧氏補正云毛晃曰豆當為斗後人誤作俎豆之

豆用之考工記一獻而三酬則一豆矣豆古斗字棟案考工

梓人云爵一升觚三升獻以爵而酬以觚一獻而酬則一豆

矣一獻三酬則十升不得為四升之豆故鄭注云豆當為斗

陶人云庾實二殼先鄭云殼讀為斛殼受三斗聘禮記有斛

案聘禮記云十斗曰斛安得云殼受三斗故鄭據瓶人云豆

實三而成殼則殼受斗二升明殼不得為斛豆不得為斗矣

三老凍餒注三老謂上壽中壽下壽皆八十已上不見養遇

服虔云三老者工老商老農老棟案杜說是也晉姜鼎銘云

保其子孫三壽是利魯頌曰三壽作朋三代養老之法于國

老中取三人焉謂之三老于庶老中取五人焉謂之五更

道瑾相望

荀悅曰道瘞謂之瑾亦作瑾韋昭依毛傳曰道家

為瑾

女富溢尤

周書鄭保十敗所謂女貨速禍也

君口不悛以樂愒憂注愒藏也

棟案愒過也言君不思悛改

可憂而樂與日俱愒

訓愒為過見毛詩傳

劉光伯云愒慢也好音樂而

慢易憂禍義亦通

讒鼎之銘

韓非子說林曰齊伐魯索讒鼎魯以其鴈往齊人

曰鴈也魯人曰真也是古鼎之名

已見周學紀聞

蓋當時鼎已在齊

故晏子述之

公事有公利無私忌謂韓非子曰私怨不入公門言說忌忌日

故云私忌

小人糞除先人之敝廬 聘禮卿館于大夫游吉卿也張趨大  
夫也吉送少姜葬館焉故今云糞除先人敝廬舍廟中故云  
先人子也之

皇清經解卷三百五十六

嘉應生員葉榦校

皇清經解卷三百五十七

學海堂

春秋左傳補註

棟著

昭四年傳冀之北土馬之所生

盧毓冀州論曰冀州北接燕

代

初學記

後世謂代為馬郡故呂覽曰馬郡宜馬

以亨神人注亨通也

亨古文亨字杜訓為通故古文獨存新

序載此事作享

冬無愆陽 周書時訓曰草木不黃落是為愆陽

秋無苦雨 服虔曰害物之雨民所苦

夏啟有鈞臺之享 汲郡古文曰夏啟元年帝即位于夏邑大

饗諸侯于鈞臺歸藏啟筮曰晉夏后啟筮亨神於大陵而上

鈞臺枝占皋陶曰不吉連山易曰啟筮亨神於大陵之上鄜

元曰卽鈞臺也魏大饗碑云夏啟均臺之亨均古鈞字亨古享字

商湯有景亳之命 汲郡古文云帝癸二十八年昆吾氏伐商商會諸侯于景亳遂征韋商師取韋遂征顧

成有岐陽之蒐 汲郡古文曰成王六年大蒐於岐陽晉語云晉成王盟諸侯于岐陽楚為荆蠻置茅蒹設望表與鮮牟守燎故不與盟

康有豐宮之朝 汲郡古文曰康王元年朝于豐宮服虔曰豐宮成王廟所在也

穆有塗山之會 汲郡古文曰穆王三十九年會諸侯于塗山寡君將墮幣焉 服虔曰墮輸也子惠子曰墮幣謂祭也周禮

肆師大祀用玉帛又守祧藏墮大祝墮釁小祝贊墮犧牲少牢又有墮祭然則禮神之幣亦曰墮謂祭後乃相見故曰敢謝後見如服杜解則與上文宗祧之事不相連屬而文亦不順蓋楚之武城有先君之廟也服云將受宋之幣於宗廟謂薦陳之亦可備一說

夏桀為仍之會有緡叛之 汲郡古文曰帝癸十一年會諸侯于仍有緡氏逃歸遂滅有緡

商紂為黎之蒐東夷叛之 汲郡古文曰帝辛四年大蒐于黎韓非子曰紂為黎邱之蒐而戎狄叛之服虔曰黎子姓

周幽為大室之盟戎狄叛之 汲郡古文曰幽王十年春王及諸侯盟于大室明年申人繒人及犬戎入宗周弑王

無或如齊慶封弑其君弱其孤以盟其大夫 呂氏春秋載此  
事曰毋或如齊慶封弑其君弱其孤以亡其大夫弱其孤謂  
殺崔成崔彊亡其大夫謂崔杼強而死哀六年傳云不必亡  
一大夫左氏傳世既久或先秦以來所據本異當以呂覽爲  
正

鄭子產作邱賦 服虔曰作邱賦者賦此一邱之田出一馬三  
牛復古法耳邱賦之法不行久矣今子產復脩古法民以爲  
貪故謗之子惠子曰春秋作邱賦當从服說作邱甲當从穀

梁說

下引詩禮義不愆何恤於人言若依杜注加賦病民何不愆之有服注是也

詩曰禮義不愆何恤於人言 荀卿子載是詩云長夜漫兮永  
思騫兮大古之不慢兮禮義之不愆兮何恤人之言兮愆當

作誓从籀文見尔正疏

作法于涼注涼薄也

說文曰尔正羶薄也从无京聲廣雅曰

羶禘也曹憲曰良音世人作羶禘之羶水旁著京失之矣禘  
卽薄字郭忠恕汗簡云古尔正涼作羶

姬在列者注在列國 案列位也言姬姓之君僖十五年傳云  
入而未定列

入棘櫟麻 酈元曰汝水東逕櫟亭北春秋之棘櫟也今城在  
新蔡故城西北半淪水杜預以爲在東北未詳司馬貞曰解  
者以麻卽襄城縣故麻城是也

曰唯 皇侃禮記義疏曰唯謂人應爾是也

饗大夫以落之 服虔曰釁以豕豕爲落



牛謂叔孫見仲而何 正義曰牛謂叔孫曰以仲見君何問何  
 故以仲見君其說非是案韓非子載此事云豎牛謂叔孫何  
 不見壬於君乎叔孫曰孺子何足見也豎牛曰壬固已數見  
 於君矣君賜之玉環已佩之矣玩傳義與韓非今  
 夫子疾病不欲見人 秦越人難經五十一難曰病有欲見人  
 者有不欲見人者欲見人者病在府也不欲見人者病在藏  
 也府者陽也陽病者欲得寒之又欲見人藏者陰也陰病欲  
 得溫又欲閉戶獨處惡聞人聲  
 牛弗進則置虛命徹 張衡集舊注引傳云牛不進叔孫覆器  
 空而選之示君已食益增益傳文而為之或本左氏舊說意  
 亦與杜注同也

五年傳毀中軍於施氏成諸臧氏 棟案臧氏為司寇古者兵

獄同制故質成于臧氏

葬鮮者自西門 列子曰越東有輒木之國其長子生則鮮而

食之張湛注引此為證云鮮謂鮮少也

卿喪自朝注從生存朝覲之正路 服虔云言卿葬三辭於朝

從朝出正門卿佐國之楨幹君之股肱必過於朝重之也案

杜臆說當从服氏

既葬而行注善杜洩能辟禍 唐宰相世系曰杜洩避季子之

難奔於楚生大夫綽綽生段段生赫赫為秦大將軍食采於

南陽衍世稱為杜衍

使亂大從注使從於亂 服虔曰使亂大和順之道案從順也

皇清經解 卷三十三 惠徵君春秋左傳補注

服注是 故有十時亦當十位 古言時皆謂四時此十時謂分一日為

十時以當王至臺之十位杜注用十二時與傳不合十時據日十二

時據辰

明而未融 服虔曰融高也謂日高也

純離為牛 荀九家序卦曰離為牡牛

菟氏 酈元曰野兔水上承兔氏亭北野兔陂鄭地也陂水東

北入八里溝溝水南逕右倉城西又南逕兔氏亭東鄭伯勞

屈生於兔氏即此

子家羈注羈莊公玄孫懿伯也 司馬貞曰子家駒魯大夫仲

孫氏之族字懿伯楊倞曰子家羈公子慶之孫歸父之後名

羈字駒案仲孫氏出自桓且懿伯為子家諡非字也司馬失

之世本云述產子家歸父述與遂古字通楊氏謂羈為歸父之後則

是桓公玄孫非莊公也世本已亡無可是正

索氏 索音柵故水經或作柵

朝聘有珪 案說文珪古文圭

芊舌四族注四族銅鞮伯華叔魚叔虎兄弟四人 案世本叔

向兄弟有季夙故服氏數伯華叔向叔魚季夙正義以季夙

即叔虎非也叔季兄弟之次且叔虎已死不得與四族之數

劉氏以為別有季夙而規杜氏其言是也宰相世系曰芊舌

職五子赤肸鮒虎季夙赤字伯華肸字叔向鮒字叔魚虎字

叔罷號芊舌四族

揚舛 漢名臣奏載張衡說云晉大夫食采於揚為揚氏食我  
有罪而揚氏滅揚字从手不从木宰相世系曰晉公族食邑  
於芊舌凡三縣一曰銅鞮二曰揚氏三曰平陽

六年傳管先王議事以制不為刑辟 李奇曰先議其犯事議  
定然後乃斷其罪不為一成之刑著於鼎也

聳之以行 漢書引此傳作懣晉灼曰古悚字 裴光遠集綴亦以懣為悚見汗

簡案十九年傳云駟氏聳說文引作懣云懼也从心雙省聲

說文耳部云生而聳曰聳从耳從省聲不得為懼 因驗左氏古文為後人竄易者多

矣

商有亂政而作湯刑 汲郡古文曰祖甲二十四年重作湯刑

外傳云元王勤商十有四世帝甲亂之七世而隕祖甲賢君

事見尙書止以改作湯刑故云亂之呂氏春秋孝行覽云商

書曰刑三百罪莫大於不孝高誘曰商湯所制法也荀子正

名篇云刑名從商康誥云殷罰有倫蓋自祖甲以後刑始頗

矣 周衰重作之定為成科亦

周有亂政而作九刑注周之衰亦謂之刑書謂之九刑案九刑

者刑書有九篇成王時所造 見周書 周衰重作之定為成科亦

若祖甲之作湯刑也

火未出而作火以鑄刑器藏爭辟焉火如 漢書 象之不火何為

古春秋左氏說曰火星出於周五月而鄭以三月作火鑄

鼎刻刑辟書以為民約是為刑器爭辟故火星出與五行之

火爭明為災其象然也服氏解誼从其說棟案漢書五行志

皇清經解 卷三百五十七 惠徵君春秋左傳補註 七  
許叔重五經異義所載左氏說及古春秋左氏說皆前漢諸  
儒傳左氏者之言唐人正義以為賈逵非也顧君補正亦采  
五行志數條而不言左氏說沒其義矣  
寡君以為驩也以左氏權字皆作驩此古文之異者高誘戰國策注云權猶合也

見於左師子惠子曰向戌與寺人比而害太子華亥與寺人比而逐右師戌亥黨寺人則同而戌之罪浮于亥也戌不思前事而責亥此目睫之論耳其後元公并逐華向有以哉  
以其乘鄭氏別馬八匹私面鄭康成曰面亦見也其謂之面威儀質也又云私面私覲也

主不恩賓 鄭康成曰恩猶辱也杜訓為患从小尔疋

七年傳天子經畧 劉逵曰天子經畧去地定城國制諸侯畧

分界也一日遠界為經畧也

願與諸侯落之 庾蔚之禮記畧解曰落謂與賓客燕會以酒食澆落之

日月以冀 案索隱冀亦作幾讀曰冀

使長鬣者相注鬣須也 說文引作儼云長壯儼儼也子惠子

曰杜訓鬣為須亦臆說

正義汲冢書瑣語 案御覽備引汲冢瑣語乃共工事非鯨也

張叔皮論 張姓叔名叔會作反論引見御覽作皮誤也

傳余敢忘高圍亞圍注二圍周之先也為殷諸侯亦受殷王遺

命者正義曰二圍之受殷命無文也子惠子曰二圍受命

見竹書紀年棟案杜氏此注蓋本汲郡古文外傳云高圉大  
王能帥稷者也周人報焉故服虔注此傳云周人不毀其廟  
報祭之馬融曰周人所報而不立廟杜氏以經傳無報亞圉  
之文故異說  
孟僖子病不能禮今本禮上有相字  
下云苟能禮者從之則相字衍蓋襲上  
文相儀之誤當从釋文  
聖人有明德者若不當世  
王肅曰武仲謂弗父何殷湯之後  
而不繼世為宋君

或樵悴事國 漢書引此傳作盡類與詩同如淳曰類古悴字  
何謂六物對曰歲時日月星辰是謂也 服虔曰歲星之神左  
行于地十二歲而一周時四時也日十日也月十二月也星

二十八宿也辰十二辰也是為六物  
八年傳或馮焉 子惠子曰漢書引云神或馮焉案注當有神  
字

莫保其性 宋淳化元年本保作信案漢書五行志引此傳亦  
作信顏籀曰信猶係也戰國策甘茂曰以曾子之賢與母之  
信也而三人疑之則慈母不能信也高誘曰信猶係也

商衛 子惠子曰宋衛稱商衛踊為定公諱也昭公事當紀于  
定公時也  
宣德於遂 世本日陳舜後宋忠曰虞思之後箕伯直柄中衰  
殷湯封遂於陳以祀舜

自幕至于瞽瞍無違命 賈逵曰幕舜後虞思也至于瞽瞍無  
皇青經解 卷三百五十七 惠徵君春秋左傳補註

聞違天命以廢絕鄭衆曰幕舜之先也裴駟从賈侍中說杜用先鄭說

九年傳以夷濮西田益之京相璠曰以夷之濮西田益也暴蔑宗周唐石經及宋本皆如此俗本蔑作滅非

辰在子卯謂之疾日賈逵曰桀以乙卯亡紂以甲子喪惡以爲戒張晏曰云夏殷以亡不推湯武以興此說非也翼奉曰北方好行貪狼申子壬之東方怒行陰賊亥卯壬之貪狼必待陰賊而後動陰賊必待貪狼而後用二陰並行是以王者忌子卯也禮經避之春秋諱焉孟康曰北方水水生於申盛於子東方木木生於亥盛於卯李奇曰北方卯也卯又陰賊故爲二陰王者忌之不舉樂翼奉又言師法用辰不用日甲

乙爲日子卯爲辰故云辰在子卯

孟僖子如齊般聘大行人職云凡諸侯之邦交歲相問也般相聘也鄭氏注云小問曰問般中也久無事又於般朝者及而相聘也先鄭引此傳以證之服虔云般中也自襄二十年叔老聘於齊至今積二十年故中復脩盛聘之禮十年傳邑姜晉之妣也李厚菴曰邗應韓皆無國矣武之穆惟晉存故曰邑姜晉之妣也然不自齊者以出于婺女故推本邑姜

齊惠樂高氏棟案惠公子樂堅高祈後皆爲氏故云樂高詳

襄廿七年注

正義作子樂子高蓋樂高字堅祈名也

疆於陳鮑氏爾疋曰疆當也言其族盛與陳鮑相當值

請斷三尺焉而用之。服虔曰斷三尺使至於較。孤斬焉在衰經之中。注既葬未卒哭故猶服斬衰。家君曰預既葬除喪之說至此乃窮故復作道辭下云喪禮未畢如預說則卒哭而喪禮遂畢乎葬與卒哭爲時無幾諸大夫何不  
少待

十一年經厥懋釋文云懋魚斬反徐五巾反。棟案公羊作屈銀是懋讀爲銀徐音是也。說文云懋从心欸聲又犬部云欸从犬來聲讀又若銀是古音皆以懋爲銀。

傳釋子莫若父釋臣莫若君。管子大匡云鮑叔曰先人有曰知子莫若父知臣莫若君。

五大不在邊五細不在庭。此當用賈逵鄭衆之注。

鄭京櫟實殺曼伯注厲公得櫟又并京。案楚語范無宇曰叔段以京患嚴公鄭幾不封櫟人實使鄭子不得其位明京屬叔段櫟屬厲公左氏約舊史而爲傳取其交勢之便兼舉京櫟而單舉曼伯此傳之漏義得櫟并京既無明文何必遷就而曲爲之說也。

十二年傳司墓之室有當道者。家君云周官墓大夫帥其屬而巡墓居其中之室以守之故云司墓之室有當道者。

請免喪而後聽命。此與下六月葬鄭簡公杜二注繆戾皆當刪之。李厚菴曰未葬而朝晉有是理乎李以傳爲未可信棟謂非傳之誤乃杜以免喪之語而移其傳之次也。

六月葬鄭簡公。杜注云經書五月誤此謬耳古文左傳當在

齊侯衛侯鄭伯如晉之前鄭伯欲如晉故速葬而往杜預欲附會短喪之說而移其次于後耳亂左氏者非預而誰

供養三德為善董遇注本為共養解云盡共所以養成三德

棟謂古供字作共董季直本是也訓為盡共恐未然三德謂

黃裳元也注亦誤

且可飾乎漢儒言易以黃裳元吉為坤五降乾二乾二升坤

五故曰且可飾乎

司馬袞唐石經作督釋文音篤云本亦作袞棟案督與袞通

說文云袞背縫莊子養生云緣督以為經亦謂背縫也方言

云繞緡謂之襍袍郭氏云衣督脊也

士孫牟注衛康叔子康伯世本云衛康伯名髡宋忠曰即王

孫牟也事周康王為大夫司馬貞曰牟髡聲相近故不同耳

譙周古史考無康伯而云子牟伯立蓋以不宜父子俱諡康

故因其名曰牟伯也棟案馬融王肅尚書傳皆云康國名在

千里之幾內既滅管叔更封為衛侯其子始以康為諡索隱

之說未盡然

鍼秘高誘曰鍼音七

摩厲以須說文曰摩研也从手麻聲

祗宮子惠子曰祗宮在南鄭見竹書

祈招之惜惜韓詩章句曰惜惜和悅兒李登聲類曰惜惜和

靜兒

形民之力家語作刑案古刑字皆作形王肅曰形以刑傷民



力

十三年傳將欲入郢 服虔曰郢別都

卜尹 服虔曰卜尹卜師大大官

康王跨之 服虔曰兩足各跨壁一邊

再拜皆厭紐

王充曰後共王死招為康王

傳作昭

至子失之圍

為靈王

當作圍

及身而弑子干為王

當作干

十有餘日子暫不立

又懼誅死皆絕無後棄疾立竟續楚祀如其神符

城外屬焉

史記云方城外屬焉故杜注云城方城也

苛慝不作釋文云苛音何本或作荷

棟案古苛字本作荷檀

弓曰泰山婦人曰無苛政釋文曰苛本亦作荷毛詩序云哀

刑政之荷今本作苛漢書酈食其傳云好荷禮師古曰荷與

苛同漢張表碑亦以荷為苛

齊桓晉文不亦是乎

服虔曰皆庶子而出奔

鄭伯男也

董仲舒春秋繁露云周爵五等春秋三等合伯子

男為一爵故云伯男外傳作伯南古南男字通 公羊桓十

一年鄭忽出奔衛傳云忽何以名春秋伯子男一也辭無所

貶何休云春秋改周之文從殷之質合伯子男為一

子服湫從湫徐邈音椒

案湫本與椒同音說文湫从水秋聲

荀卿子引詩曰鳳凰秋秋其翼若干其聲若簫秋與簫協韻

明秋亦作椒音惠伯名椒獨此作湫者聲之誤也晉以來唯

徐仙民識古諸儒皆不及也

文九年經楚子使椒來聘穀梁椒作棘五經文字云棘子逸反

見穀梁及春秋左氏傳史記伍子胥列傳去夫差二年鮒越

于夫湫注云湫音椒今傳作椒古今人表有楚湫舉師古云

卽椒舉周語  
亦作淑舉

及中人注中山望都縣西北有中人城 杜此注本京相璠春  
秋土地名酈元謂望都城東有一城名堯始城本無中山之  
傳璠或以爲中人未詳張華博物志曰中人在唐縣西四十  
里

十四年傳司徒老祁慮癸 當用服虔注

然丹簡上國之兵 鄭康成曰簡謂此數之

收介特注介特單身民也 馬融廣成頌察滯侈之華與顧介

特之實功注介特謂孤介特立也杜氏以爲單身民非馬義  
也

蔽罪邢侯 先鄭引曰弊獄邢侯

納也鬻獄 周書鄭保曰十敗六曰佞說鬻獄韋昭曰鬻賣也

乃施邢侯 服虔曰施罪於邢侯施猶劾也邢侯亡故劾之韋

昭曰施捕也周禮卿士云辨其獄訟異其死刑之罪而要之

鄭氏云要之爲其罪法之要辭如今劾矣晉語云秦人殺冀

芮而施之韋昭云陳尸曰施愚謂施陳也謂殺而陳其罪哀

廿七年傳云周人施公孫有山氏是羅泌曰施者殺而肆之

也內則施羊亦如之施麋施鹿施麕皆如牛羊秦施冀芮晉

施邢侯與叔魚於市山海經殺而施之晉語入從欒氏者大

戮施莊子云萇弘施史施陳餘蓋同也開元五經文字作弛

云廢亦非

十五年傳吾見赤黑之禋非祭祥也喪氛也 禮說文引作禋

云精氣感祥从示侵省聲王逸楚辭章句云禴惡氣貌韋昭曰氛禴氣象也凶曰氛吉日祥

叔氏 顏籀曰叔父之使故謂之叔氏

闕鞏之甲 說文引作砢从石夙聲 定四年傳封唐叔以闕砢同

及辛有之二子董之晉 晉語曰秦伯納公子董因迎於河韋

昭曰因晉大夫周太史辛有之後也引此傳為證

王一歲而有三年之喪二焉 子惠子曰喪妻三年春秋之末

造也事見墨子棟案墨子公孟篇云子墨子謂公孟子曰喪

禮君與父母妻後子死三年喪服伯父叔父兄弟期族人五

月姑姊舅甥皆有數月之喪後子為後之子猶太子也又非

儒篇云儒者曰親親有術尊賢有等言親疏尊卑之異也其

禮曰喪父母三年妻後子三年伯父叔父弟兄庶子其戚族

人五月若以親疏為歲月之數則親者多而疏者少矣是妻

後子與父同也若以尊卑為歲月數則是尊其妻子與父母

同而親伯父宗兄而卑子也逆孰大焉墨子所據喪禮與傳

合與喪服傳異喪服傳云父必三年然後娶達子之志也又

云為妻何以期也妻至親也必三年然後娶不得為三年喪

服也且天子絕期安得引以為證公孟子即公明儀

三年之喪雖貴遂服注天子諸侯除喪當在卒哭今王既葬而

除故譏其不遂 雖貴遂服指后世子之喪若父母之喪無

貴賤一也安得為此抑揚之語乎預邪說亂經孔氏扶非皆

不足取

十六年傳幾爲之笑而不陵我 當用服注

刑之頗類 服虔曰類讀爲類頗偏也類不平也

宣子有環其一在鄭商注玉環同工共朴自共爲雙

淮南子曰元玉同工高誘曰二玉爲一工故云同工昭公卅

二年傳云賜子家雙琥倉頡篇云雙玉爲珏是共朴也

不亦銳乎注銳細小也正義曰說文云銳芒也鋒芒尖故爲細

小言得利小也服虔云銳拆也銳是鋒芒不得爲拆 自說

文云至銳拆也二十四字今本脫去宋本有之故備錄焉

執政弗義 高誘戰國策注云弗義不以爲義也

庸次比耦 庸庸也廣雅次比代也言代爲傭代爲耕也

習實爲常 周書曰習實爲常曰美惡一也

十七年傳唯正月朔至庶人走 古文左傳說曰正月謂周六

月夏四月正陽純乾 七月也應謂陰爻也冬至陽爻起初故

曰復至建己之月爲 純乾亡陰爻而陰侵陽爲災重故伐鼓

用幣責陰之禮降物素服也不舉去樂也移時避正堂須時

移災復也嗇夫掌幣吏庶人其徒役也

少皞氏鳥名官何故也 子惠子曰周書嘗麥曰乃命少皞清

司馬鳥師以正五帝之官昭子見周志有是言而未之詳也

故問之棟案史記言黃帝二子其一曰元囂是爲青陽降居

江水張衡集條上司馬遷所叙與典籍不合者十餘事其一

事曰帝系黃帝產青陽昌意周書曰乃命少皞清清卽青陽

也今宜實定之故世本及春秋緯皆言青陽卽是少皞黃帝

之子代黃帝而有天下號曰金天氏史記言青陽降居江水不為帝故張平子正之汲郡古文云或曰少暉名清不居帝位帥鳥師居西方以鳥紀官蓋本周書之說律厯志引考德曰少昊曰清清者黃帝之子清陽也考德者考五德之書也

九扈 說文作雇或作鷄籀文作屬

請有事於雒與三塗 高誘曰三塗之山陸渾之南故假道於

周

蓑弘 淮南子曰蓑弘周室之執數者也天地之氣日月之行風雨之變律厯之數無所不通

天事恆象 先鄭司農曰象謂災變雲物如眾赤鳥之屬有所象似易曰天垂象見吉凶

夏數得天 馬書周月曰萬物春生夏長秋收冬藏天地之正四時之極不易之道夏數得天百王所同商周改正以垂三統至於敬授民時巡守祭享猶自夏焉故易乾鑿度曰三王之郊一用夏正

若火作其四國當之 唐石經此下又云六物之占御覽八百

七十五卷所引有此四字蓋據賈服本如此案石經四字旁增當是晁公武

據蜀石經增入晁曾以蜀石經按唐石經碑中所增疑皆出晁氏之手學者詳焉蓋蜀時或服虔左氏猶存也

水火之牡也其以丙子若壬午作乎水火所以合也 子惠子

曰水為夫火為妻夫從妻所好故以合日為災

十八年傳毛得以濟侈於王都 薛綜曰濟謂度也度於奢侈

謂僭也

是謂融風火之始也注東北曰融風淮南子墜形曰東北曰  
炎風高誘曰良氣所生也一曰融風張晏曰融風立春木風  
也火之母也火所始生也

七日其火作乎張晏曰火以七爲紀

使司寇出新客禁舊客勿出於宮高誘曰有新客按出之爲  
觀釁也禁舊客爲露情也

屏攝韋昭曰周氏云屏者并攝主人之位昭謂屏屏風也攝  
形如要扇皆所以分別尊卑爲祭祀之位近漢亦然先鄭司  
農曰攝束茅以爲屏祭神之處草易然故巡行之案周氏者  
漢儒說春秋者周仲文也

祈于四鄘案鄘水庸也

十九年傳許悼公瘡服虔曰悼公靈公之子許男買瘡寒疾  
也

書曰弑其君服虔曰禮醫不三世不使君有疾飲藥臣先嘗  
之親有疾飲藥子先嘗之公疾未瘳而止進藥雖嘗而不由  
醫而卒故國史書弑告於諸侯

若大城城父而寘太子焉以通北方王收南方高誘曰城父  
楚北境之邑今屬沛國北方宋鄭魯衛也南方謂吳越也

駟氏聳說文引作懼云懼也廣韻引作懼詳六年注

諺曰無過亂門呂覽引詩云無過亂門所以遠之也高誘  
曰逸詩

沈尹戌注莊王會孫葉公諸梁父也王符潛夫論曰左司馬

成者莊王之曾孫也葉公諸梁者成之第三弟也高誘呂覽注曰沈尹成莊王之孫沈諸梁葉公子高之父也三說不同廿年傳自以為猶宋鄭也高誘呂覽注曰猶如也

其事集矣高誘曰集合也

棠君尚風俗通作堂云堂楚邑大夫伍尚為之其後氏焉廣韻

案堂與棠古字通見魯峻碑

賓將擗杜子春引作趣讀為造次之造謂擊鼓夜戒守也又

云趣與造音相近造與遭同故云與趣音相近故曰終夕與燎賈公彥曰

賈服讀字與子春異棟案子春受學于劉歆歆傳左氏春秋

以趣為擗必有據依史記亦以趣為擗賈服後于劉杜唐人咸所尊

尚故不以其說

終夕與於燎於字衍當从釋文刪古本無於字杜子春注可

據

若琴瑟之專壹董遇本作搏司馬貞曰搏古專字管子內業篇

史記樂書皆以搏為專

蒲姑氏亦作薄姑古文通關駟曰周成王時薄姑與四國作

亂周公滅之以封太公陸澄地理書曰呂尚封於齊郡薄姑

故城在臨菑縣西北五十里近濟水

取人于萑苻之澤唐石經初刻作萑蒲後改萑苻案韓非子

內儲說引此事作萑詩小弁曰萑葦淠淠韓詩作萑外古字傳

通也

遺愛賈逵曰愛惠也

惠微君春秋左傳補註

皇清經解 卷三十一  
廿一年傳天子省風以作樂 應邵曰風土地風俗也有中和之風以作樂然後可移惡風易惡俗也

小者不窹 高誘呂覽注云窹不滿密也

窹則不咸 釋文云本或作感漢書同唐石經初刻作咸後作減愚案咸本古文感故下云心是以感从咸爲是也

王心弗堪 漢書作或孟康曰古湛字尚書西伯戡黎說文引作或郭璞尔疋注又作堪黎 釋文本又作或 古字或堪通詳見尚書

考

張句尤之 小尔疋云尤怪也杜訓從之

是何物也注物事也 子惠子曰歲時日月星辰謂之六物是何物也謂六物之占當何屬也注未詳

鄭翩願爲鶴 陸佃引舊說江淮謂羣鶴旋飛爲鶴并則鶴善

旋飛盤薄霄漢與鶩之成列正異故古之陳法或願爲鶴也 不死伍棄 衛詩曰死生契濶與子成說鄭箋云從軍之士與

其伍約死也尉繚子云凡伍臨陳若一人有不進死於敵則教者如犯法者之罪

軍之大刑也 周禮條狼氏職曰凡誓執鞭以趣於前且命之誓僕右曰殺誓馭曰車轅

廿二年傳盟于稷門之外 劉向別錄曰齊有稷門齊城門也 齊地記曰齊城西門側系水出故曰稷門古側稷音近耳司

馬貞云棟案稷齊地名昭十年傳云戰于稷顧炎武曰七國時齊有稷下館



鄆胙伐皇 胙周大夫 水經注 作胙 食采于鄆因氏焉說文鄆周邑

焚諸主城之市 焚如之刑周法也

敗績于前城 服虔曰前讀為泉周地也京相璠曰今洛陽西

南五十里伊闕外前亭

毀其西南 顧炎武曰唐石經此下有子朝奔郊四字棟案碑

四字非初刻當是晁公武據蜀石經增入非杜本也案下傳

云二師圍郊郊鄆潰杜氏云二邑皆子朝所得是杜本無奔

郊之文

廿三年經狄泉注時在城外 京相璠曰今大倉西南地水名

狄泉舊說狄泉本在洛陽北萇弘城成周乃繞之

傳尹辛敗劉師于唐 司馬彪郡國志云洛陽有唐聚

去備薄威 尉繚子曰兵有去備徹威而勝者以其有法故

先君之力可濟也 服虔曰獻公亦欲立子猛不欲合子朝得

國今南宮極震死為天所弃先君之功事可成也

蘧蒞注楚地 酈元曰服虔或謂之邑又謂之地京相璠亦云

水際及邊地名也禹貢曰道漢水過三澨春秋傳有句澨雍

澨及此而三 水經注 作蘧蒞

明其伍候注使民有部伍為候望正義曰賈服王董皆作五候

賈逵曰五候五方之候也敬授民時四方中央之候也王肅

云五候山候林候澤候川候平地候也董遇云五候四方及

國中之姦謀也杜作伍候棟案周書程典曰協其三族固其

四接明其伍候習其武誠依其山川通其自車利其守務古

是書經解 卷三百五十七 惠徵君春秋左傳補註

三

伍字皆作五傳本文也杜氏依周書為說故从人旁

廿四年傳今王室實蠢蠢焉 說文引作蕙蕙云亂也三體石

經作載 尚書蠢字說文引作載古蠢字皆作載俗作蠢

日過分而陽猶不克 孟康曰謂春分後陰多陽少為不克陽

勝則盛故言甚

王子朝用成周之寶珪于河 漢書曰湛于河釋文云本或作

沈于河

與之東訾注鞏縣西南訾城是也 司馬彪曰縣有東訾聚今

名訾城王隱晉書地道記曰在縣之東

吳踵楚 依說文當作種種相迹也

皇清經解卷三百五十七終

嘉應生員李恆春校

皇清經解卷三百五十八

學海堂

春秋左傳補註

吳惠徵君 棟 著

廿五年經宋公佐卒于曲棘 圈稱陳留志曰外黃於春秋為

宋之曲棘里故宋之別都矣

傳天地之經而民實則之 案古文孝經實作是是即古寔字

見尚書秦誓及詛楚文鄭康成詩箋云趙魏之東寔實同聲

故此傳又作實

生好物也死惡物也 周書度訓曰凡民之所好惡生物是好

死物是惡

有鸚鵡來巢書所無也 卦服虔曰鸚鵡不隮濟今隮宜穴而又

巢故曰書所無也

吾聞文武之世童謠有之 唐石經作文成謂魯文公成公時也史記漢書論衡皆作文成舊本左氏傳亦有作成者若云周之文武上下數百年豈能逆知童謠為魯昭徵驗乎今本皆作文武俗誤行之久矣

徵褰與襦 方言曰袴齊魯之間謂之襪郭璞云傳云徵褰與襦音騫

邱氏為之金距 服虔曰金距以金錯距高誘呂覽注云以利鐵作假距沓其距上沓即錯也又淮南子注云金距施芑于距

邱昭伯 案世本昭伯名惡

臧昭伯之從弟會 賈逵曰昭伯臧伯賜也案世本臧會臧頃

伯也宣叔許之孫與昭伯為從父昆弟也司馬貞曰為讒于

臧氏史記為作偽月令云無或作為淫巧注云今月令無于十二年傳云子偽不知釋文作為讀為偽

狗臧氏老 服虔曰老臧氏家之大臣

萬者二人其眾萬於季氏 吳仁傑曰淮南書亦云禱于襄廟

舞者二人案傅氏言四人為列尚不成樂况二人乎人當作

八傳文誤也

請以五棄也 服虔曰言棄自省約以出

日入慝作 周禮環人察軍慝康成曰慝陰姦也謂軍中有為

慝者

司馬穉戾黃鄭康成曰大夫家臣為司馬者

皇青徑得 卷三十三 惠徵君春秋左傳補註

天子樂黃伯思曰祕閣古寶器有宋公緜餽鼎考汲冢師春  
書緜乃宋景公名與鼎銘合董適曰竹書有宋景公緜而史  
為頭曼孫炎以緜為頭曼合聲以辨周秦之語則緜為古文  
樂也

梩柎所以藉幹者 說文引云梩部薦幹云梩部方木也幹脅  
也

計於季氏 上計也

廿六年傳百兩一布 先鄭云布泉也墨子曰商人用一布布  
不敢繼苟而讎焉必擇良者

齊子淵捷 王符曰齊子淵氏姜姓

鑿而棄於它車注鑿一足行正義云說文云鑿金聲也 棟案

說文鑿讀若春秋傳曰鑿而棄它車則傳本作鑿 五經文字亦誤作鑿

故杜氏訓為一足行若从金輕聲與斷足無涉必傳寫之譌

正義失考

女實 韋昭曰女齊之子叔褒

是亂國而惡君王也 服虔曰廢而不立是謂亂國追惡君王  
也

國有外援不可黷也 服虔曰外援謂太子任秦之外孫黷易  
也秦為任外援不可易

奉周之典籍以奔楚 周之典籍盡在楚矣三墳五典八索九

邱左史倚相觀射父讀之而楚檇杙之書頗可觀國語采之  
流及屈宋而楚騷比于周雅書之益人如是乎

王愆于厥身 汲郡古文云夷王八年王有疾諸侯祈于山川

王陟

諸侯釋位以閒王政 服虔曰諸侯釋其私政而佐王政案闕

氣爲臣故云閒

宣王有志 鄭康成周禮注云志古文識有志謂長而有知識

也王伯厚以爲有撥亂之志恐非外傳曰宣王長而立之歲  
之亂宣王尙少至始有知識乃授之政猶周公復子明辟也

貫瀆鬼神 說文引作擯訓與杜同

君無違德 論衡引作回德回邪也與下文回亂合

廿七年傳與吳師遇於窮 京相璠曰今安豐有窮水北入淮

水經曰淮水又東北窮水入焉注云水出安豐縣窮谷窮音

戎唐石經窮下有谷字鄭元所引同正義曰此爲定七年敗

尹氏于窮谷涉彼而誤非也

左尹卻宛 王符曰卻氏之班有艸氏祁氏伯宗以直見殺其

子艸黎奔楚卻宛直而和故爲子常所妬受誅其子豁奔吳  
爲太宰懲祖禰之行仍正直遇禍也乃爲詔諛而亾吳徐廣

史記注云伯艸犁者晉伯宗之子也伯艸犁之子曰卻宛卻

宛之子曰伯豁宛亦姓伯又別氏卻司馬貞曰卻宛艸犁子

伯豁卻宛子伯氏別族案定四年傳云楚之殺卻宛也伯氏

之族出注云卻宛黨又云伯艸犁之孫爲吳大宰楚世家云

宛之宗姓伯氏子豁則豁乃宛之族也與左傳合王符徐廣

司馬貞皆以爲卻宛子非也韋昭又以爲伯艸犁子尤誤趙

長君又以郤宛即白州犁

此時也 服虔曰時言可殺王時也

不索何獲 服虔曰不索當何時得也

我王嗣也注光吳王諸樊子也故曰我王嗣正義曰吳世家云

餘昧之子僚公子光者王諸樊之子公羊云云世本云夷昧

及僚夷昧生光服虔云夷昧生光而廢之僚者夷昧之庶兄

夷昧卒僚代立故光曰我王嗣也是用公羊為說也杜言光

吳王諸樊子用史記為說也 棟案司馬遷採世本為史記

然亦有旁采諸國之書不與世本左傳合者今以左傳證之

服氏之說是也襄公卅一年傳吳屈狐庸曰若天所啟其在

今嗣君乎有吳國者必此君子之孫實終之注云嗣君謂夷

昧則光夷昧之子審矣世本左傳本出一人之手正義以世

本多誤不足依焉豈其然乎

母老子弱是無若我何正義曰彭仲博云當言是無我若何我

母無我當如何我字當在若上 案彭注說唐時已以此當

采自服氏解詁

王使甲坐於道 荀卿子曰庶士介而坐道楊倞曰庶士軍士

也介而坐道被甲坐於道側以禦非常

鉞交於胷 唐石經初刻作匈古文曾

以待天命 服虔曰待其天命之終也

不足以辱令尹 高誘呂覽注曰辱屈辱也

吾無以酬之 高誘曰酬報也

或取一秉秬焉 秬說文引作稗或从干

邇無極也 邇讀爲爾燕禮曰公南鄉爾卿爾大夫鄭注云爾

近也移也揖而移之近之也

使宰獻而請安注比公于大夫也 案管子幼官篇云三千里

之外諸侯世一至置大夫以爲廷安齊君飲昭公酒故使宰

獻而乃用廷安之禮非卑公也杜氏以爲比公于大夫失之

廿八年傳愁使吾君聞勝與臧之死也以爲快注愁發語之音

棟案愁願也言鈞死耳願使吾君先聞二人之死以爲快

注言發語音非外傳云吾愁置之於耳以愁御人又云愁庇

州犁韋昭皆訓爲願大夫稱主今稱君者蓋其臣三世仕於

祁氏矣詩云不愁遺一老箋云愁者心不欲自彊之辭也釋

文云愁尔正願也強也且也韓詩云愁閭也

愁讀爲銀與寧同音又讀爲寗

古寧寗同字說文

寗與寗皆訓爲願 甘均母欲取其黨 案論衡叔向之母姬姓

口懲舅氏矣 列子曰北山愚公懲山北之塞出入之迂注韓

詩外傳云懲苦也

樂正后夔取之 伏生書大傳曰樂正定樂名八伯貢樂九奏

具成則自唐虞已有樂正之名尚書不詳耳

成鱒曰昔武王克商光有天下其兄弟之國者十有五人姬姓

之國者四十人 案荀子以爲天下立七十一國姬姓獨居

五十三人與此異也

心能制義曰度 服虔曰心能制事使得其宐言善揆度事也

惠徵君春秋左傳補註

棟案自此至經緯天地日文皆見周書諡法惟闕曰莫曰君  
張守節所引諡法云賞慶刑威曰君孔晁注云能行四者德  
正應和曰莫注云正其德應其和

德正應和曰莫 服虔曰在已為德施行為正發號施令天下  
皆應和之言皆莫言無謹謹也

昭臨四方曰明 服虔曰豫見安危也

教侮不倦曰長 服虔曰教誨人以善不懈倦言善長以道德  
也

慈和徧服曰順 服虔曰上愛下曰慈和中和也為上而愛下  
行之以中和天下徧服從而順之

擇善而從之曰比 服虔曰比方損益古今之宜而從之

經緯天地日文 服虔曰德能經緯順從天地之道故曰文

闇沒 韋昭曰闇沒闇明

不夕食 服虔曰昨顧酒醉故不夕食案二人謂昨不夕食故  
始饋而恐不足耳杜注不及服氏之分明

屬厭而已 韋昭曰屬適也厭飽也已止也適小飽足則自節

止

廿九年傳主君 服虔曰大夫稱主

參龍氏御龍氏 賈逵曰參養也穀食曰參

乃擾畜龍 應劭曰擾音柔擾馴也能順養得其嗜慾案玉篇

擾當作擾 尚書擾而毅徐廣曰擾一作柔字本作擾  
音柔今人字與音皆失之廣雅曰馴擾也

其後有劉累 後古文作后服虔曰后劉累之為諸侯者夏后



賜之姓

以更豕韋之後 史記更作受

夏本紀

周禮巾車云歲時受讀杜子

春云受當為更儀禮燕禮及大射儀注皆云古文更為受是

更與受古今字也

汲郡古文云孔甲元年廢豕韋氏使劉累參龍

魯縣 汲郡古文曰孔甲七年劉累遷於魯陽班固曰南陽魯

陽縣有魯山古魯縣御龍氏所遷

遂濟窮桑 服虔曰濟渡也言四叔子孫世不失職遂渡少皞

之世

遂賦晉國一鼓鐵以鑄刑鼎 服虔曰鼓量名也曲禮曰獻米

者操量鼓取晉國一鼓鐵以鑄之禮記音義隱義曰東海樂

浪人呼容十二石者為鼓以量米王肅曰三十斤謂之鈞鈞

四謂之石石四謂之鼓與隱義合顧氏云蓋用四百八十斤

鐵

卅一年傳十二月辛亥朔日有食之是夜也趙簡子夢童子羸

而轉以歌旦占諸史墨曰吾夢如是今而日食何也對曰六

年及此月也吳其人郢乎終亦弗克入郢必以庚辰日月在

辰尾庚午之日始有謫火勝金故弗克 服虔曰是歲歲

在析木後六年在大梁大梁水宗十一月日在星紀為吳國

分楚之先顓頊之子老童童子楚象行歌象楚走哭姬姓日

日在星紀星紀之分姬姓吳也楚衰則吳得志吳世世與楚

怨楚走去其國故曰吳其入郢吳屬水水數六十月水位故

曰六年及此月也有適而食故知吳終亦不克後六年定四

年十一月閏餘十七閏在四月後其十一月晦庚辰吳入郢  
在立冬後復此月也十二月辛亥日會月於龍尾而食庚午  
日初有適故曰庚辰一曰日月在辰尾尾為臣是歲吳始  
用子胥之謀以伐楚故天垂象午火庚金也火當勝金而反  
有適故為不克晉諸侯之霸與楚同盟趙向子為執政之卿  
遠夷將伐同盟日應之食故夢發簡子 禮占夢職以日

月星辰占六夢之吉凶鄭注云日月星辰謂日月之行及合  
辰所在春秋昭三十一年史墨云云此以日月星辰占夢者  
其術則今八會其遺象也鄭志張逸問占燕注云云不知何  
術占之前問不了 前問載鄭志今無考 答曰日月在辰尾夏之九月辰  
在房末有尾星建戌厭寅 建戌則辰在卯前一次故厭寅 寅與申對辰與戌

對對相申近庚 考經援神契曰斗指申處暑指庚白露故知申近庚 辰與戌對故知庚  
辰辰下為主人故知為主人 翼奉曰辰為客時為主人 金侵火故不勝雖  
不勝即復故云弗克日有適氣時九月節者以庚午在甲子  
篇辛亥在甲辰篇也 古五子書每甲為一篇也 中有甲戌甲申甲午成一

月也從庚午以下四日從甲辰至辛亥八日并之十二日通  
同四十二日知是庚午之日當在八月十九日故言時得九  
月節也言雖不勝即復者以其庚金午火位相連故云雖不  
勝即復也言雖不勝者吳君臣爭官秦救復至不能定楚是  
其不勝不能損吳是明即復也問曰何知有此厭對之義乎

答曰按堪輿黃帝問天老事云 藝文志堪輿金匱十四卷 四月陽建於己  
破於亥 己亥為對陰建於未破於癸是為陽破陰陰破陽故

惠徵君春秋左傳補註

四月有癸亥為陰陽交會十月丁巳為陰陽交會言未破癸者即是未與丑對而近癸也

援神契曰斗指癸小寒指丑大寒故知丑近癸為未所破也

交會惟有四月十月也若有變異之時十二月皆有建厭對

配之義也問曰周之十二月夏之十月 夏體正應在析木

而云在星紀何答曰據此月中有十一月節 析木十月星紀十一月 故

舉言之成長以為誤也 賈公彥曰今八會其遺象者按堪

輿大會八小會亦有八賈不疏八會者賈蓋據鄭志唐時

堪輿已亾故不詳也案越絕書言太歲八會淮南天文曰北

斗之神有雌雄十一月始建於子月從一辰雄左行雌右行

五月合午謀刑十一月合子謀德太陰所居辰為厭日 雄為

為厭厭在日前 厭日不可以舉百事堪輿徐行雄以音知 雌為

故為奇辰數從甲子始子母相求所合之處為合十日十二

辰周六十日凡八合合於歲前則死亾合於歲後則無殃即

八會法也蓋六十日之中大合八小合八 詳禮說

卅二年傳史墨曰不及四十年越其有吳乎越得歲而吳伐之

必受其凶 服虔曰歲在星紀吳越之分野蔡復之歲歲在

大會距此十九年昭十五年有事於武宮之歲龍度天門龍

歲星也天門在戌是歲越過故使今年越得歲龍東方宿天

德之貴神所在之國兵必冒向之以兵則凶吳越同次吳

先舉兵故凶也或歲星在越分中故云得歲史墨知不及四

十年越有吳者以其歲星十二年一周天存亾之數不過三

紀三者天地人之數故歲星三周星紀至亥枵哀二十二年

越滅吳至此三十八年

遲速衰序注衰差也 案襄廿九年正義云衰者差也九章算

術謂差分爲衰分是衰與差通故訓衰爲差士冠禮記云以

官爵人德之殺也注云殺猶衰也亦以衰爲差

定二年傳閻乞肉焉 子惠子曰諸侯燕禮賓醉而出必取所

薦脯重君賜也以所執脯賜鐘人于門內雷廣君惠也夷射

姑私出無脯奪杖敲闔無禮甚矣

三年傳閻以餅水沃廷 韓非子云損水郎門雷下類溺者之

狀

有兩肅爽馬 子惠子曰當用賈逵注載見正義漢注多舊典

遺言杜預盡去之而益以臆說正義所載者千百之十一而已

四年經許遷于容城 地理志南郡華容縣應劭曰春秋許遷

于容城是

戰于柏舉 高誘呂覽注云柏舉楚鄱邑京相璠曰柏舉漢東

地夏有汜水或作舉疑卽此也 柏二傳皆作伯郭璞穆天

子傳注云古伯字多从木

傳社稷不動 劉炫以社稷動爲軍行是也杜注非

君以軍行祓社釁鼓 案卽周禮大祝所謂設軍社也

夏后氏之璜 高誘曰半圭曰璜夏后氏之珍玉也

封父之繁弱 鄭康成曰封父國名荀卿子曰繁弱鉅黍古之

良弓也繁亦作蕃古字通上林賦云彎繁弱文穎曰蕃弱夏

后氏良弓之名

備物典策釋文云本又作冊或作箒 說文云冊符命也諸侯

進受於王也象其札一長一短中有二編之形古文作箒从

竹今作策从俗

命以伯禽 當用劉炫說伯禽唐誥百篇不載封伯禽事別見

洛誥唐叔有歸禾故皆不載也 孔子刪書亦用春秋一書不再書之列

管蔡啟商甚閔王室注甚毒也 棟案甚當訓為教 宣十二年注訓甚為

教 言管蔡開商叛周之心而教之棄閔以圖王室張衡西京

賦云天啟其心人甚之謀與傳意合左傳甚字凡四見宣十

二年傳楚人甚之當依說文作畀哀元年傳少康甚澆當訓

為毒 說文云廿七年傳趙襄子甚知伯當訓為忌 小尔疋云甚忌也

此傳當訓為教 小尔疋云杜唯哀元年注得之餘皆非也

無始亂 賈逵曰無為亂始

還塞大隧直轅冥阨 案冥阨九塞之一高誘曰在楚史記蘇

秦傳云塞郿阨徐廣曰郿江夏郿縣棟謂郿阨即冥阨也

子非攻篇曰吳闔閭次注林出於冥隘之徑 隘即阨傳亦作隘 戰於

柏舉中楚國而朝當子常不從司馬之計濟漢轉戰至於柏

舉其時吳已出隘而西楚事不可為矣

季芊畀我 當用服虔注

申包胥 服虔曰楚大夫王孫包胥

封豕長蛇 高誘曰封大也豕蛇喻貪也

虐始於楚 高誘曰虐害也始先也言將以次至秦也

五年傳陽虎將以璵璠斂 高誘曰璵璠君佩玉也昭公在外

是青經解 卷三十五 惠徵君春秋左傳補註

平子行君事入宗廟佩璵璠故用之正義曰璵璠是一玉名  
案說文孔子曰美哉璵璠遠而望之與若也近而視之瑟瑟  
也一則理勝一則孚勝明是兩王正義非也

改步改玉 周語襄王謂晉文公曰先民有言曰改玉改行韋  
昭曰玉佩玉所以節行步也君臣尊卑遲速有節案荀子王  
霸篇云國者世所以新者也是憚憚非變也改王改行也與  
周語同是玉從古文作王成二年齊侯朝于晉將授玉玉本  
作王故張平子誤以為尊晉侯為王乃知古文春秋玉字皆  
作王也

公山不狃 王符曰公山氏魯公族姬姓

奔楚為堂谿氏 王符曰堂谿谿名在西平司馬彪郡國志云

汝南吳房有堂谿亭廣韻引作棠古字通

藍尹亶涉其帑 廣韻引世本云楚大夫涉其帑則亶帑為二  
人然外傳云載其孥則孥非人名未知世本何據

六年經仲孫忌 賈逵曰公羊曰仲孫何忌公羊疏云賈經無

何字案下經云仲孫忌當無何字

傳小惟子 呂覽云小帷子陸氏釋文云本又作帷

八年傳士皆坐列 案坐謂坐作列謂表正行列 司馬法云徒

行慎  
行列

善志其目也 鄭康成云志意所擬度也商書曰若射之有志

主人焚衝 高誘淮南子注曰衝車大鐵著其轅端馬被甲車

被兵所以衝於敵城也

成濡馬褐以救之注馬褐馬衣 高誘淮南子注曰褐毛布如

今之馬衣

按衛侯之手及挽 說文云按推也挽唐石經初刻从定本後

作腕腕俗字也經傳皆作擊郊祀志云海上海燕齊之間莫不

搯擊游俠傳云搯擊而游談師古曰擊古手腕字說文曰擊

手擊也从手収聲今傳作挽者儀禮士喪禮云設決麗于擊

今作擊 鄭康成注云古文擊作挽史記樊於期徧袒搯挽索

字之誤 隱曰挽古腕字史記多古文今人知者鮮矣 高誘呂覽注云

擊讀如捲挽之

戒都車 案戒讀為馘鄭康成云疾雷擊鼓曰馘易歸藏曰君

子戒車小人戒徒

林楚怒馬 高誘曰怒讀如强弩之弩方言曰弩猶怒也匡謬

正俗曰怒字古讀有二音今山東河北人讀書但知怒有去

聲不言本有二讀曾不尋究失其真矣

于言辨舍爵 辨古文徧

陽虎入于謹陽關以叛 謹應劭引作鄩云今泰山鉅平縣陽

亭關是也

九年傳茲陽虎所欲傾覆也 韓非子載其語曰陽虎有寵於

季氏而欲伐季孫貪其家也今君富於季而齊大於魯陽貨

所以盡詐也

載蔥靈 賈逵云蔥靈衣車也尙書大傳云未命為士不得有

飛輪鄭康成注云如今蔥車也輪與靈古字通

趙氏其世有亂乎。此語非實事春秋後事左氏不及知故云然案韓非子曰陽貨逐於魯疑於齊走而之趙趙簡主迎而相之左右曰虎善竊人國政何故相也簡主曰陽貨務取之我務守之遂執術而御之陽貨不敢為非以善事簡主與主之強幾至於霸也

吾從子如驂之靳。毛詩小戎云游環脅驅傳云游環靳環也沈重曰靳者言無常處游在驂馬背上以驂馬外轡貫之以止驂之出猛蓋言靳所以輔驂非相違也而相從也何仇難之有

龜焦。焦說文引作變云龜變不兆龜讀若焦。哀二年龜變同皙幘。傳遜曰皙白皙幘以巾髮卑賤所服此說非也古者有

冠無幘秦漢以來始有其制此傳幘字說文引作齧云齒相值也故杜訓從之古省或以幘為齧

衣狸製注製裘也。子惠子曰說苑吳赤市使於智氏假道於衛甯文子具紵絺三百製將以送之左傳狸製注云裘此云紵絺非裘也乃衣耳裘名為製不見經傳疑杜注誤棟案傳曰狸製故注云裘謂狸裘也哀廿七年陳成子救鄭及濮雨成子衣製杖戈注云製雨衣也杜皆望文為義然以製為裘似有脫文

十年經鄙謹龜陰田。服虔曰三田汶陽田也龜山名陰之田得其田不得其山也

傳步左右皆至。劉熙曰徐行曰步步捕也如有所伺捕務安



詳也

叔孫氏之甲有物注物識也 周禮閽人職云潛服賊器不入

官注云賊器盜賊之任器兵物皆有刻識棟案刻識之語出

于漢時梁冀傳云刻其毛以為識是也

十二年傳登武子之臺 酈元曰曲阜上有季氏宅定有武子

臺王肅曰季孫宿所築

十三年傳歸告其父兄 服虔曰午之諸父兄及邯鄲中長老

戊也驕注戊文子之子 世本曰衛獻公生成子當當生文子

拔傳作發拔生朱為公叔氏鄭康成云朱春秋作戊

十四年傳使死士 戰國策蘇秦曰厚養死士高誘曰死士勇

戰之士也先鄭司農曰死士欲以死報恩者太公六韜曰有

貧窮忿怒欲快其志者聚為一羣名曰必死之士賈景伯以

死士為死罪人也

哀元年傳如子西之素 案功命曰謂之素宣十二年令尹薦

艾獵城圻三旬而成不愆于素是也

蔡人男女以辨 辨讀曰班徐廣史記注曰辨音班漢書王莽

傳辨社諸侯義作班襄廿五年傳云男女以班賂晉侯劉炫

曰哀元年蔡人男女以辨與此同士虞禮曰明日以其班祔

鄭康成云古文班或為辨是辨為古文班也

敗越於夫椒 賈逵曰夫椒越地杜氏云夫椒吳縣西南大湖

中椒山司馬貞曰賈說得之杜以為大湖椒山非戰所夫椒

與椒不得一旦夫差以報越為志又伐越當在越地何乃不

離吳境近在大湖中又案越語云敗五湖也

大夫種 高誘曰大夫種姓文字會楚鄞人

樹德莫如滋去疾莫如盡 戰國策引書曰樹德莫如滋除害

莫如盡今在大誓與此異

滅夏后相 汲郡古文曰帝相九年居於斟灌廿六年寒浞使

其子澆帥師滅斟灌廿八年寒浞使其子澆弑帝公羊傳云

君死于位曰滅

生少康焉 服虔曰后緡遺腹子

而邑諸綸 司馬彪郡國志曰梁國虞縣有綸城少康邑

以收夏衆撫其官職 服虔曰因此基業稍收取夏遺民餘衆

撫脩夏之故官憲典

祀夏配天不失舊物 服虔曰以鯀配天也物職也

注猶言天與不取 漢書蕭何曰書云天與不取反受其咎

欲與楚者右 此與絳侯右袒意同懷公意欲從吳故使與楚

者右

在軍熟食者分而後敢食 案劉向說苑載此事云在軍食孰

者半而後食故服虔注云以其半分軍士而後自食其餘若

簞膠注流也公羊傳曰師喪分焉分亦訓半杜訓為徧古訓

之亾自杜始

二年傳郢不足以辱社稷 服虔曰郢自謂已無德不足立以

朽辱社稷

八人衰絰為自衛逆者 服虔曰衰絰為若從衛來迎太子也

較杜注為明

士大夫受縣下大夫受郡 周書作維曰國方千里分以百縣

縣有四郡郡有四鄙高誘曰周制天子地方千里分為百縣

縣有四郡郡有四鄙故言上大夫受縣下大夫受郡周時縣

大郡小秦始皇兼天下初置三十六郡以監縣耳

志父 注志父趙簡子之二名也杜意言趙鞅一名志父今俗

本作改名誤

桐棺三寸不設屬辟 荀卿子曰罪人之葬棺椁三寸衣衾三

領不得飾棺鄭元引此傳作屬柩

樸馬 荀卿子云若馭樸馬楊倞曰未調習之馬

羅無勇麋之 廣韻引作麋 八年傳云及潞麋之注云 麋亦束縛疑麋麋字通

無折骨無面傷 鄭仲師引云無破骨無面夷案外傳晉惠公

韓之誓曰將止無面夷死此求勝之辭故云無面夷

大命不敢請 晉語曰死不敢請韋昭曰言不敢請歸之神也

三年傳鬱攸從之 尔正曰鬱氣也攸所也火氣出之所也襄

九年傳云奔火所杜注欠分明

命藏象魏曰舊章不可忘也 服虔曰象闕也法令縣之朝謂

其書為象魏案象魏六官所縣之象如治政教刑之類繪為

圖象唐虞所謂畫象是也此說本程大昌棟案風俗通云光

武中興以來五曹詔書題鄉亭壁歲補正多有闕謬永建中

兖州刺史過翔箋撰卷別改著版上一勞而久逸漢之五曹

猶周之六官又漢時教令皆奏可施行尚書掌之故謂之五

曹詔書亦見應劭傳

拾潘注潘汁也 釋名曰宋魯人皆謂汁為潘高誘引作潘

四年傳諸大夫恐其又遷也承注承音懲蓋楚言正義曰懲創

往年之遷也 棟謂承讀為懲經傳無文詩魯頌曰戎狄是

應荆荼是徵則莫我敢承毛傳曰承止也傳言承者謂諸大

夫皆欲止之也

五年傳范氏之臣王生惡張柳朔 墨子所染篇云范吉射染

於長柳朔王胜王胜即王生也古張字省作長見楚相孫叔

敖碑此古文也

齊燕姬 服虔曰燕姬齊景公之嫡夫人昭七年燕人所歸

諸子鬻如之子 服虔曰諸子諸公子鬻如景公安淳于人所

納案諸子內官傳氏遜據管子辨正杜沿服氏之譌耳淳于

人所納未詳所出

諸大夫恐其為子也言於公曰君之齒長矣未有太子若之何

服虔曰為子為太子也荼少故恐立之言君長未有太子

一旦不諱當若之何欲齊侯早立長也案今本為子作為太

子疑後人所增杜無注或杜所增也

二三子聞於憂虞則有疾疢亦姑謀樂何憂於無君 服虔曰

言二三子當國家閒暇無憂虞恐疾疹在其間今無疹疾何

為不自謀樂何憂無君乎

寘羣公子於萊 服虔曰寘置萊齊東鄙邑欲使遠齊言公

萊人歌之曰景公死乎不與埋三軍之事乎不與謀師乎師乎

何黨之乎 服虔曰萊人見五公子遠遷郟邑不得與景公  
葬埋之事及國三軍之謀故愍而歌師眾也黨所也言公子  
徒眾何所適也

六年傳楚子使問諸周太史 服虔曰諸侯皆有太史主周所  
賜典籍故曰周太史 一曰是時往問周太史棟案楚靈王言  
齊衛晉魯皆有分而楚獨無有則楚不當有周所賜典籍蓋  
自王子朝奉周之典籍以奔楚是時當有掌典籍之太史從  
子朝奔楚楚子在外而使問周太史也

三代命祀祭不越望 服虔曰謂所受王命祀其國中山川爲  
望

冀方 高誘淮南子注曰冀九州中謂今四海之內穀梁傳曰

鄭同姓之國也在乎冀州詳顧炎武日知錄

闕止 案呂覽以闕止爲宰予高誘曰宰予字子我史記亦言  
宰我與田常作亂皆秦漢人相傳之語未必然也

以安孺子如賴 古今人表作晏孺子晏與安古文通今文尙  
書欽明文塞晏晏今尙書文思安安司馬彪曰濟南管縣有  
賴亭

君大訪於陳子而圖其小 子惠子曰必欲殺孺子而先以政  
授陳子此齊之所以亾也 一言喪邦朱毛之謂

七年傳執玉帛者萬國今其存者無數十焉 戰國策顏觸曰  
大禹之時諸侯萬國及湯之時諸侯三千今乃二十四

邾茅夷鴻以束帛棄韋自請救於吳 告請者無庭實此云棄

韋者賈公彥曰求救非法故有棄韋為庭實也

社宮 鄭眾曰社宮中有室屋者

乃背晉而好宋 賈逵曰以小加大

八年傳所託也則隱 所託也者謂所寄託之國則隱者隱本

國之惡也杜注不明

魯雖無與立必有與斃 國於天地必有與立魯無與立言弱

也必有與斃言公賓庚之屬

拘鄆人之漚菅者 鄭康成注考工記引作渥菅釋文渥烏豆

反與漚同是渥為古文漚也

何故使吾水滋 說文引作茲云黑也釋文云本又作茲

景伯負載 鄭玄詩箋云載猶戴也謂負戴器物劉光伯說是

也

稱之以棘 說文曰以柴木槿也从木存聲本又作存釋文作

荐音在薦反非也

遂殺之 悼公弱安能殺鮑子必陳乞之謀也陳乞所畏者鮑

高國耳乞既除高國所畏者鮑氏耳故希公意并除之而後

行篡弑以并齊耳有馬千乘之言亦乞所搆

十年傳吳子三日哭于軍門之外 服虔曰諸侯相臨之禮

十一年傳黨氏之溝 黨氏魯大夫猶云子駒之門也

注有子冉求也 正誤曰論語冉求稱冉子有若稱有子冉求

字有亦稱冉有二者必有一誤春秋權衡曰案有子當為子

有子有者冉求字也仲尼門人字多云子某者不得云有子

也傳寫誤之矣

見保者而泣 王肅曰保縣邑小城也案晉語尹鐸曰抑為保

障乎韋昭曰小城曰保禮記曰遇入保者後世作堡

壤地同而有欲於我 呂覽載子胥語曰夫吳之與越接士鄰

境壤交通屬習俗同言語通我得其地能處之得其民能使

之越于我亦言故云有欲於我

得志於齊猶獲石田也無所用之 呂覽載子胥語曰夫齊之

與吳也習俗不同言語不通我得其地不能處得其民不得

使故謂之石田也

鳥則擇木 服虔曰鳥喻己木以喻所之國

如是則以邱亦足矣 邱賦作於前故云以邱亦足矣

十二年傳吳人藩衛侯之舍注藩離 案杜注非也藩藩盾扶

晉之屬名為宿衛實困之也

效夷言 觀此則春秋時已重吳音矣不始于晉也

十五年傳為二隧注隧道也 軍法司空治軍隧道義見淮南

彌庸見姑蔑之旗 墨子旗識篇曰建旗其署令皆明之之日

某子旗

十四年經齊陳恆執其君寘于舒州 史記齊世家云田常執

簡公于徐州司馬貞曰徐字从人說文作邕竝音舒續漢志

云薛本國六國時曰徐州戰國策齊一篇曰楚成王戰勝于

徐州高誘曰徐州或作舒州是時屬齊棟案徐舒古字通易

皇清經解 卷三百五十八 惠徵君春秋左傳補註

困之九四曰來徐徐子夏傳作茶茶先鄭考工注云茶讀為舒舒徐也茶本古舒字是徐與舒同說文邠讀若塗易釋文云茶音圖然則舒亦有塗音歟非也司馬貞得之傳諸御鞅世本曰陳桓子產子豐豐產子獻獻產鞅司馬貞曰鞅為僕御之官故曰御鞅

子行舍於公宮服虔曰止于公宮為陳氏作內閣也成子兄弟四棄如公服虔曰成子兄弟八人二人共一棄杜氏云成子之兄弟昭子莊簡子齒宣子夷穆子安廩邱子意茲芒子盈惠子得凡八人二人共一棄司馬貞案世本曰束僖子乞產成子常簡子齒宣子其夷穆子安廩邱子尚鑿意與茲子芒盈惠子得凡七人杜預又取昭子莊以充八人之

數案世本昭子將來是桓子之子成子之叔父又不名莊強相証會言四棄有八人耳今按田完世家田常兄弟四人如公宮與此事同今此惟稱四棄不言人數如四棄謂兄弟四人棄車而入非二人共車也然其昆弟三人不見者蓋時或不在不同入公宮不可強以四棄為八人添取父為兄弟之數服杜殊失之正義引世本云僖子生昭子莊云云豈亦因杜注而附會之歟太史子餘子餘陳氏黨

待人御之服虔曰闔豎以兵御陳氏何以見魯衛之士服虔曰子方將欲奔魯衛也公文氏攻之王符曰衛之公族有公文氏

十五年傳寡君是以寒心高誘戰國策注曰寒心懼也

皇清經解 卷三十五 惠徵君春秋左傳補註



二人蒙衣而棄 服虔曰蒙衣爲婦人之服巾蒙其頭而共棄也

孔氏之老樂寧問之 服虔曰家臣稱老問其姓名

遂入適伯姬氏 服虔曰入孔氏家適伯姬所居

孔伯姬杖戈而先 服虔曰先至孔悝所

遂劫以登台 服虔曰於衛台上召衛羣臣

使告季子 子路二十字也季子五十字

召獲駕乘車 服虔曰駕乘車不駕兵車也言無距父之意也

行爵食炙 王充曰車行洒騎行炙案古人皆以車騎行洒肉

嘯堂集古錄載周叔邦父簠云叔邦父作簠用征用行用從君王又叔夜鼎云叔夜釁其饋鼎以征以行用饁用羹知古人有行爵食炙之事 故西都賦云陳輕騎以行魚騰酒車而斟酌馬融

廣成頌云清醪車湊燔炙騎將行爵食炙而行示無懼也正

義以爲此句顛倒辭氣不允蓋未通於古

奉衛侯輒來奔 服虔曰召獲奉衛侯

弗及不踐其難 賈逵曰言家臣憂不及國不得踐履其難鄭

眾曰是時輒已出不及事不當踐其難子羔言不及以爲季

路欲死難也

無入爲也 服虔曰言輒已出無爲復入

必或繼之 王肅曰必有繼續其後攻太子

十六年傳旻天不淑不憇遺一老俾屏余一人以在位 應劭

曰憇且詞也言旻天不善於魯不且遺一老使羣蔽我一人

也鄭玄所引與此同今不淑作不弔憇作憇王肅曰屏輔也

熒熒余在疚 鄭康成許叔重引此傳皆作媿媿

嗚呼哀哉尼父 鄭立曰尼父因目字以為之諡孔氏駁之案

字諡見穀梁非康成臆說以字為諡左傳有明文孔氏之駁

未為得也

使貳居反祔於西圃 魯語曰天子有虎賁習武訓也諸侯有

旅賁禦災害也大夫有貳車備承事也士有陪乘告奔走也

許叔重五經異義曰或曰卿大夫有主不答曰卿大夫非有

士之君不得祔享昭穆故無主古春秋左氏傳曰衛孔悝反

祔於西圃祔石主也言大夫以石為主謹案大夫以石為主

禮無明文大夫士無昭穆不得有主今山陽民俗有石主立

之間也以下鄭氏駁少牢饋食大夫祭禮也東帛依神特牲饋食

士祭禮也結茅為菹主者神象也孝子既葬心無所依以虞

而立主以事之唯天子諸侯有主卿大夫無主尊卑之差也

卿大夫無主者依神以几筵故少牢之祭但有尸無主三王

之代小祥以前主用桑者始死尚質故不相變既練易之遂

藏於廟以為祭主孔悝祔主者祭其所出之君為之主耳

皆鄭氏說鄭志張逸問許氏異義駁衛孔悝之反祔有主者何謂也答云禮大夫無主而孔獨有者或時未代之君賜之使祀其所出之君者諸侯不祀天而魯郊諸侯不祖天子而鄭祖厲王皆時君之賜也正義曰以為孔

氏姑姓仕於衛已歷多世不知本出何國安得有所出公之

主知是僭為之此說非也管子山至篇曰君人之主弟兄三

世則昭穆同祖十世則為祔三世則同祀所出之公故不立

主十世為祔所以別于宗也案世本莊叔達至孔悝凡七世

上歷三世當在春秋之前至孔叔時合為祐主春秋以來兼國多矣未必皆書于經何得以所出之公無考而遂謂之僭耶鄭氏之言不為無本若以舊章放失追議先儒恐違闕疑

之義 昭十九年傳云懼隊宗主服虔云祐主藏于宗廟故曰宗主

市南有熊宐僚 高誘曰熊宐僚勇士居楚市南

請以戰備獻 子惠子曰戰備猶家備備甲兵也

齊管脩 風俗通曰管脩自齊適楚為陰大夫

高府 淮南子曰闔閭伐楚五戰入郢燒高府之粟蓋宮中府

名

園公陽 史記曰惠王從者屈固

其徒微之 說文曰微隱行也

十七年傳戎州 司馬貞曰陳留濟陽縣東南有戎城濟陽與

衛相近故莊公登台望見戎州又隱七年云戎伐凡伯于楚

邱是戎近衛

鄆般 說文曰鄆宋地也讀若曉疑般采邑

十八年傳宋殺皇瑗 汲郡古文曰敬王四十二年宋殺其大

夫皇瑗于丹水之上丹水雍不流

廿年傳吳公子慶忌 高誘曰慶忌吳王僚之子又淮南子注

云吳王僚之弟子

史黯 高誘曰史黯史墨也

廿一年傳史我高蹈 呂覽曰子胥高蹶高誘曰蹶蹈也傳曰

魯人之高使我高蹈瞋怒兒 高與皋通見釋名

皇清經解 卷三十五 惠徵君春秋左傳補註

廿二年傳甬東 賈逵曰甬東越東鄙甬江東也

廿三年傳其可以稱旌繁乎 繁說文引作繁云馬髦飾也

廿五年傳褚師聲子鞮而登席注古者見君解鞮 東昌彭氏

軌以為古無見君解鞮之禮棟案燕禮云賓反入及卿大夫

皆說屨升就席鄭志云凡燕坐必說屨屨不在堂也蕭山毛

氏牲以為脫屨非解鞮也棟又案少儀云凡祭於室中堂上

無跣燕則有之鄭志云祭不跣者主敬也燕則有跣為歡也

毛牲曰燕飲君但脫屨而臣必解鞮記曰燕則有跣跣者解

鞮也 閻百詩曰陳氏禮書謂漢魏以後朝祭皆跣鞮又謂

梁天監問尚書奏議案禮跣鞮事由燕坐今極恭之所莫不

皆跣清廟崇嚴既絕常禮凡有履行者應皆跣鞮蓋是時有

不跣鞮者故議者及之杜氏謂見君解鞮見君字不確須易為古

者燕飲解鞮耳 棟又案宣二年左傳云晉侯飲趙盾酒其右提

彌明趨登曰臣侍君宴過三爵非禮也遂扶而下服虔本作遂跣

以下注云趙盾徒跣而下走此本書燕飲解鞮之明文也左傳古

本盡為杜預所改故學者每有疑義莫能詳焉

君將設之 說文引作設云歐兒从口設聲玉篇同案釋文作

警與說文合與石經異釋文是也

君何所不逞欲 說文引云何所不逞云楚人謂疾行為逞

廿六年傳后庸 唐石經作舌庸廿七年傳同

吳語亦作舌庸

掘褚師定子之墓 掘玉篇引作搯云掘也釋文云本或作搯

戰國策禽滑厘古今人表作禽屈厘

惠徵君春秋左傳補註

公遊于空澤 酈元曰獲水東南逕空桐澤北澤在虞城東南  
左傳公遊于空澤即此然則空澤者空桐之澤也  
今君無疾而死 汲冢古文瑣語曰初刑史子臣謂宋景公曰  
從今以往五祀日臣死後五年五月丁亥吳亡後五祀八月  
辛巳君薨刑史子臣至死日朝見景公夕而死後吳亡景公  
懼思刑史子臣之言將死日乃逃於瓜圃遂死焉求得已盡  
矣

使祝為載書 周禮詛祝作盟詛之載辭

廿七年傳設棄車兩馬 服虔曰一曰兩飾

及留舒 鄭康成引作柳舒孔氏曰留柳不同蓋所據書異棟

案裴松之三國志注云古劉留聊柳同用卯字以从聲故也

律麻志云  
留執於卯

吾乃今知所以也 子惠子曰恨其語不審

工部都水司郎中臨川李秉綬刊



皇清經解卷三百五十八終

嘉應生員楊懋建校

皇清經解 卷三百五十八 惠徵君春秋左傳補註

皇清經解卷之三十五

皇清經解卷之三十五

皇清經解卷之三十五

皇清經解卷之三十五

皇清經解卷之三十五

皇清經解卷之三十五

皇清經解卷之三十五

皇清經解卷之三十五

皇清經解卷之三十五

皇清經解卷之三十五

皇清經解卷之三十五

皇清經解卷之三十五

皇清經解卷之三十五

皇清經解卷之三十五

皇清經解卷之三十五

皇清經解卷之三十五

皇清經解卷之三十五

皇清經解卷之三十五

皇清經解卷之三十五

皇清經解卷之三十五

皇清經解卷之三十五

皇清經解卷之三十五

皇清經解卷之三十五

